

列
朝
詩
集

列朝詩集

丁集第十四

白雲居士石沆四十首

盛太學鳴世二十八首

吳處士兆一百一十五首

吳山人夢陽五十九首

王山人野一十七首

曹南宮學佺八十三首

柳山人應芳三十四首

范太學洵七十四首

吳居士鼎芳八十二首

沈布衣野一十九首

葛理問一龍六十八首

王居士醇六十六首

曹山人臣二首

王道民鏞九十首

白雲居士石沆

沆字潛仲如皋人有白雲居士集二卷潛仲歿後萬曆庚戌歲其友人殷之澤所定也余采詩於白下從黃仲子得潛仲詩讀而異之不知為何許人訪之金陵人金陵人亦莫知潛仲為何人也其為詩陶冶性情蕭閒疎放雅以寒山擊壤自命而吾則以為古之香山今之江門也讀其詩窺見其志意慷慨世故尋仙學佛超然自遠不可羈縻者也自敘其江門詩曰

余素苦作詩不能卽就或日一就者有之或月一就者有之壬辰前孟春之月擬香山詩依平叶爲聲一晝夜得近體三十絕句四知其非儷花間無以繫律爲能事者也大江南北僅一衣帶去溘仲不及三十年其流風遺書寥寥若此而余乃且莫遇之如見優曇鉢花得未曾有豈不快哉明廣陵詩載其詩數首殊不足觀瀧仲而目幾爲所掩以此知識真者之寡而求于雲于後世良未可幾也余取瀧仲詩冠於近代名士之首鍾記室品陶徵士爲隱逸詩人之宗余於近代願以推瀧仲與知者共定之

觀稻

稻水千區映村煙幾處斜冷風低起樹輕浪細浮花鳥雀深深圃鳬鷺淺沙社歌聲不絕於此見年華

婦張氏墓

雲歸巫峽雨陽臺杜宇聲聲喚不回惟有春風最憐惜墓田收拾紙錢灰

廣陵紀夢

春盡他鄉夢雲林思杳然落花溪水上斜日洞門前鶴去遊城郭春來弄管絃倚闌懷勝事光細月初弦

宿城中舊房

從教雁侶失瀟湘
春色年年暗洞房
遺得一枝花
影子夜深隨月轉
西廊

夢中吟

樹老何年寺山深
此夜鐘一僧
眉拄地教我學南宗

口號送鄰家米

東鄰雨濕火鞋吹
斗米田家尚可爲
晚稻未春潮水白
早紅先送救公饑

題主人壁間樊素小蠻圖

江州司馬兩紅妝
水墨何人画
此堂得似往年歌
意思却看今日舞
衣裳
摸聲漫點櫻珠破
擬態輕拖柳帶長
別有幽情傳筆底
主人狂得且須狂

擬寒山我見世中人二首

我見世中人
日夜心兵動
布帛不遮寒
菰藟不塞空
欲求安樂法
錯認逍遙
夢米大一粒
珠分應六門
用我見世中人
開口便講理
將理與人爭
還是不明理
多爭理在伊
少爭理在你
爭人所不爭
不爭之爭矣

新春雜興

一囊置我琴一囊置我笛明月照寒江扁舟采石

漫興二首

竹影清溪路花藏白石巖病偏宜短褐老不廢長鑊階水鵝見浴池泥燕子銜儘堪吟弄去風月兩三函
窗下兀坐人閒事事疎亂山看過面堆案讀殘書細雨街杯後微風隱几餘不勞漁父問方寸已空虛

無題

落日早涼婦看山倚竹扉水清仍可鑑雲薄不成衣腐草螢低照疎林鳥亂飛平生簑笠意不在富春磯

文翼姪草堂

結構離人境經營到野田春光鶯語外秋色雁行邊室小剛容膝牆高不過肩個中些子意應與會人傳

去歲中秋

去歲中秋月江南水上天劍菱煩伎手煮茗汲僧泉卽事渾如昨已歡已隔年算遲婚嫁了還弄五湖煙

夜聽琵琶

娉婷少婦未開愁。清夜琵琶上小樓。裂帛一聲江月白。碧雲飛起四山秋。
閑中喜慕溪兄見過

鵝鵝滿晴沙。江村好歲華。投竿魚浪細。舉袂燕風斜。林竹初開笋。溪蘋正
有花。得君相聚首。沽酒問誰家。

歸來吟

只成無事亦無憎。隨處看山倚瘦藤。煙雨樓臺渾在寺。水蔬家世半皈僧。
一閒可敵三公貴。隻眼真傳六祖燈。漫道秋江魚事美。月明空坐板橋西。

荅友人書寄

自笑年來未休空。勞夢語說虛舟。塵埃未脫飢寒累。稼穡寧忘水旱憂。
難道琴書間北牖。也曾風雨事西疇。餘生只不填溝壑。此外分毫無所求。

溪邊

昨夜溪橋上。南畦看稻還。解襟聊濯足。對影暫開顏。群動無時息。幾人如
我閒。獨行還獨坐。涼月上東山。

夏日寄懷南逸士

南隣何異北山居黃草衣裳白草廬閒却農桑事吟弄不教風月著空虛

秋思

曠野碧雲暮園林白露秋水花清瑟瑟窗竹冷修修索莫惟禁酒躊躇欲上樓相思不相見多加益多愁

有懷

遠村幽壑獨徘徊雲護柴扉雪護苔日溪邊倚枯柳白鷗何事不飛來

寄道宇上人

憶昔相從春水殘桃花映竹鳥啼山半年好景違僧舍十月西風凋客顏短褐羞如黃葉舞方袍定似白雲閒草堂蓮社天南北惆悵幽期隔往還

夜催花

漏鼓無聲清露寒西樓殘月夜漫漫飛觴莫訝花催急世界宜橫醉眼看

與二十二弟

曾騎竹馬妄追風經世衰榮約畧同俱是賤人牛口下未離故態雁行中

新墻門

北屋連江面遠峰水禽山鹿設相從徑因待月還立曲門爲藏春再設重

雨暗蘼蕪分綠鎖，天晴楊柳借雲封。琴樂酒年來癖更好，垂簾稱懶慵。
寄敏上人

別來多雨更多風，野水蒼茫浸碧空。惆悵數枝憔悴柳，不堪持贈膽瓶中。
客有姑蘇約奉東

松院袈裟葦岸曾，太湖漁父虎丘僧。因君來約同相訪，月好風清能不能。
飲慕溪所惠酒

是時天氣炎人事難調，攝飲水過于寒飲湯過于熱。得君之所惠清淨如
油潔不用脫巾漉，不用置鵝觥亦不用多人。夫婦西廊月一盞，四肢暢兩
盞，百情減三盞。卽醺醺五藏皆融洩，本不受食杯獨醒難過日。

雜興

飽罷披書便理瓜，閒中誰道沒生涯。遣情亦要寬沽酒，醒睡還須窄煮茶。
細草籬根侵病菊，古苔階面覆殘花。傍人不解儂家事，只道貪閒不管家。
自詠

我有安樂處，名爲建德鄉。唱于風起賴，虛白月生光。自謂青雲館，何慙綠
野堂。傍牕低竹几，臨水小繩床。居士齋時臥，先生醉後狂。眼前無異物，身

外有餘糧蔬食尋常飯葷腥間或嘗淨神三遍呪煖室一爐香念念歸真
境心心向道場世間安飽事一切不思量

破屋

三間破屋兩間空廊壁蕭然西復東慘惻豈宜愁坐客清虛聊稱病眠翁
敢將嗔義誇汾水惟有詩歌抵雒中客到消閒無一物竹牕明月柳橋風

中秋

江村此夕意如何道是橋平水不波彷彿空中倚樓閣分明鏡裏現山河
當筵自對賢人酒得意閒吟孺子歌明月若教陪盡夜只拚清露濕漁蓑
閨重陽邀眾社集座中又呈一律

兩迴風景惜重陽倏見秋容變故常楊柳葉乾前夜雨芙蓉花老及時霜
極知酒是消愁物何處臺非戲馬場拉得相知開口笑不嫌醉倒菊籬傍
歲算不及去城中偶吟

空野平無盜長河凍絕船城中未可去江上正堪眠飽飯何曾缺燒柴不
費錢且從俗人語打夥過殘年

移居城中東招溪上兩兄

荆樹江城隔梅花歲事殘曾經知別苦敢道路行難凍雪銷泥濕霜風吹面寒一尊今到手來爲話辛酸

途中

水碓擁流澌春回萬竅發水清魚尾活泥濘馬蹄遲城郭來將晚江村到幾時欲沽無好店何日有新詩

江門擬白三十首錄二首

何處春偏勝江門自好風酒旗斜路口花信短牆東多病一居士雙鬟二小童題詩豈難去可是白家翁
何處春偏勝江門舊草堂和風開燕雀遲日散牛羊細草當牕綠殘花隔水香老狂猶稚子拍手咏滄浪

盛太學鳴世

鳴世字太古中都人本富家入貲爲國子生能詩攻苦不苟作善奕棋如唐入所謂居第二品出游人間福清相公雅興相善亦喜其善奕而已而太古雅自重其詩借方野以甄世不屑以詩名混時流也居福清却中福清將引爲中翰不果歸游金陵卒于家有谷中集三卷不甚傳于世同時

爲詩者皆未之稱也新安閔生晦明布衣詩多載其五言今體余觀其剪刻鮮淨措置清穩盡削常調實爲一時之倡如烏啼白門夜月上一樓霜錢郎復生何以過此又就石分泉冷和鐘杵藥勺今人冥搜極索未易有佳句也余初得太古詩再欲置之燈下繙閱見月上一樓霜之句如布光芒則出行間三復始大異之林茂之歎曰世無知盛太古者矣豈非其精華不死浮動于楮墨之上迎而相告與

沈山人

落落尋常路遑遑二十年許身吾老矣千世爾徒然春日當壚酒都城賣卜錢有身堪自足不必衆人憐

送泰州李太守

不復閑時論將因與世違受金廉吏枉疑檻衆人非淮海孤舟別匡山白首歸天寒江上雁但恐尺書稀

贈隱者

只在高霞外無人識去踪伴猿栖一室放崔下孤峰丹竈雲中火可天夜半鐘平生長往意相望不相從

至日

眼背便眩暖灰心任歲時衰年聊對酒至日一題詩洗藥水初薄探梅雪
半垂轉應貧與病不厭老相隨

沈水部官署

江水流何急歸心却似之已傷爲客久轉恨別君時斷雁迷寒渚吟猿挂
冷枝生涯兼物色何處不堪悲

送柯孝廉之巴東兼呈黃廣文

去問巴江水荆門更向西挂帆秋葉落上峽夜猿啼舊侶傷飄泊新歡惜
解携湘潭憔悴地已恐旅魂迷

葉汝習病目移住西山戲簡

病懶因憐汝深山且辟人佛堂雲共宿僧語夜相親就石分泉冷和鐘杵
藥勺不知天眼裏何處著微塵

送臨江蘇太守

五馬夾朱輪清川不動塵問山廬歲近領郡虎符新吏冗詩難廢民稀俗
易淳江花迎路發十月待行春

避暑呂叔與園亭因贈

辟暑誰堪適。壺冰若可餐。一聞高士論。六月使人寒。雲起峰陰直。亭孤日
氣殘。晚來山更好。不碍隔籬看。

西樓月下送陸長康

分散歌吳地。班騅送陸郎。烏啼白門夜。月上一樓霜。揚子分衣帶。明河接
淚行。大刀重有約。團扇莫相忘。

七月八日潞河舟中別長安諸子

天漢龍初返。星橋鶴乍分。隔河收片雨。宿浦有殘雲。復作孤舟別。兼悲一
葉聞。相看此時恨。不獨在離群。

寄孫愁生

草色青門外。楊花白雪邊。傷心猶昨日。轉眼向秋天。千世真何意。還家始
自憐。蕭條淮水上。誰復問殘年。

重過程孺父

搖落秦淮上。依然見索居。客貧親舊少。家難死生餘。土銚朝烟冷。瓦池古
木疎。日斜殊未去。狼籍一床書。

送毛廣文之雲中

歲晏單車去窮邊，不算程河水尋馬跡。關月逐雞聲，野燒雲中戍。春天雪外城，戰場應久定。問業有儒生。

送李璽舟

有客留行跡，令人一解顏。聽鐘尋曉寺，沽酒看春山。老病能相就，禪心許共閒。如何芳草色，又送馬蹄還。

宿麻河

積雨湖田沒，居人生事微。白魚休市早，烏尾載船歸。月黑村春盡，林深岸火稀。維蕭眠不定，中夜賦無衣。

重過華子澄

柳市南頭路，三年此重過。長貧臨客倦，高臥奈君何。嶺背夕陽盡，月明秋水多。徘徊那能去，門外即煙波。

春陰長安作

積晦連幽朔，長陰動十旬。六花猶作雪，三月不成春。易白愁中髮，憎寒病裏身。因憐那衍後，吹律更何人。

夜過凌方弦山齋

十里到孤村柴門下夕照霜鋪平野月鐘斷隔溪雲病骨逢秋健清言忘
夜分自君多秘術猿猩漸成群

贈曹鳳岡

仙才多玩世況復幕官閒雀養空庭樹雲栖傍閑山酒干官長禁詩乞野
人刪爲有延徐榻相期數往還

寄懷崑陵孫二

適與飢寒會重懷旅寓年通家無仲子舉世有誰賢稱性多違俗權門豈
慕遊芳蘭漸下休玉樹每齊肩衣冷分綃絮囊空乞酒錢雪深燒燭夜春
遠踏花天人事零如雨歡期斷若烟黃塵三歲別白日幾迴眠朱顏今何
似華顛漸可憐終能忘一飯語報媿茫然

送王山人

寒原一雁下霜空短舫蕭蕭化北風俱是殘年行路客傷心不在別離中
題岳陽酒家

巴陵壓酒洞庭春楚女當壚勸客頻莫上高樓望湖水烟波二月已愁人

塞上贈友

一望黃雲接廢塵，年年楊柳不知春。
解將白髮覓明鏡，縱使封侯也誤人。

江上別柳陳父

滄江落日黯生愁，楓葉菊花送客舟。
莫道酒闌容易別，秋光偏在斷橋頭。

送胡參軍之岷州

寶劍翩翩賦遠游，東風吹騎出幽州。
洮河三月流澌下，人在長城天盡頭。

秦淮月

石頭望月秦淮裏，不知月在秦淮水。
銀漢平鋪一色秋，珠閣瑤樓正相似。
秦淮女兒十三餘，綃幕半捲坐飛除。
霜妾星妃兩不如，雲中雀子那得住。
桂樹團團繫舟處，極浦烟波從此去。

送陳獻輝入計

朔氣渡河水，生骨徹巾小。
車傷遠涉竭，來送客三日程。
不盡關山恨，重疊與君相知豈徒然。
一片肝膽千秋懸，感恩不忘國士報。
許心更受他人憐，君今西去調人主。
五玉諸侯聯佩組，漢家計吏開明堂。
黃金璽書誰比數，朝罷從容下玉除。
天樂縹緲雲中居，行過關門問丞相。
挽回元化今何如。

吳布衣兆

兆字非熊休寧人少警敏喜爲傳奇詞曲游少年場推爲渠帥萬曆中游金陵留連曲中與新城鄭應尼作白練裙雜劇譏嘲馬湘蘭青樓人皆指曰有樊川輕薄之名已而自悔改弦爲歌詩樸樸初唐作秦淮閼草篇新安詩派尸視大函肥臆相尚不解爲何語滅晉叔曹能始見而擊節遂流傳都下而能始於非熊尤相得偕游閼中諸山及武夷匡廬九華復還白下共爲人平真自放好窮山林花鳥之致捉鼻苦吟貴游雜坐竟日諷咏不知有人久之別能始歸新安作東歸詩已而復出游訪故人於嶺南客死新會從弟元以其喪歸非熊詩評者謂有二種早年穠華婉至中歲清真瀟灑大要沈酣于六朝唐人而傳之以性情幹之以風調工力並深與衆兼會雖與能始同調功刻銘錫意新理恆能始似有間焉能始序其詩以爲古詩學靈運沿及盧駱近體學岑嘉州字句少實固宜其知之而未盡也新安閼景賢采軒皇朝布衣詩推若上吳允兆爲中興布衣之冠以予論之親炙則孟陽迭聽則非熊庶無媿於此評要當與千古共定之爾

秦淮閼草篇

樂遊苑內花初開結綺樓前春草來春色染山還染水春光銜柳又銜梅
此時芳草萋萋長秦淮女兒多閒想閒想玉閨閒羅衣正試單芳牕入戶
吹帷動巧鳥當牕撥夢殘因燭灺日長安道相戲相要闌芳草芳草匪初
齊茸茸沒馬蹄芳草遠如算望望迷人步將綠將黃不辨名和煙和霧那
知數鳳凰臺上舊時基燕雀湖邊舊日路結伴踏春春可憐花氣衣香渾
作烟誰分遲遲獨落後誰能采采不爭前燭燭棗間路佳期何暇顧悠悠
淮水湄遠道不遑息空生謝客西堂夢徒怨湘娥南浦離未鳴越越先愁
歌乍轉倉庚正及時正及時先愁歌密取畏人窺疾行防薛滑入深翠濕
衣緣而香裏被寒者將何爲東芻欲待誰齒紅猶勝頰爽白却慙肌薜荔
裁衣安可被葛蒲結帶豈堪垂盈躬盈襦羅衆芳蛾飛蝶繞滿衣裳蘭草
藉作爭銜地蕙蛇翻爲角敵場分行花隊逐對豳葉旗張花花非一色葉
葉兩相當君有麻與泉妾有葛與繭君有蕭與艾妾有蘭與芷君有合歡
枝妾有相思子君有拔心生妾有斷腸死庭婦若個中輸落阿誰裏相向
無言轉自愁芳牕過客忽疑秋別本辭柯何倚託傾青委綠滿郊丘雖殘
已受妍心惜縱眠曾經纖手摘芍藥多情且自留蘼蕪有恨從教擲人生

寵愛幾能終人心安得采時同
紫愁結念尋歸迎接飛連裾
趁晚風情知朽腐隨泥滓
會化流螢入幕中

詠美人隔牆折花

離離牆影動謂是東風吹
美人金梯出纖手摘花枝
釧聲驚起鳥紛紛落玉
墀稍高攀不及下望復移時

送友人遊燕

離筵別棹并江瀕紅樹青山映白蘋
一過江南風景異兩行衰柳送行人

銅雀妓

愁思應無賴留香但益悲
妾身甘與殉君家自多疑
秋氣生盛樹涼風入蕙帷
朝朝歌舞作不似望恩時

早春行

蕙光初上砌草色已含晴
日汎釵梁艷風開幕
輕憐雙臨水坐畏隻眠花
行無數梅將柳蘆人舊笑迎

古別離

車聯驂馬特特路上行人行不息
丈夫一去音信稀門前凝望是耶非
羅

巾掩面羞回顧翻令小姑笑妾誤憶妾家中嬌小姿愛弄玉環阿母隨只
知嬌養無愁苦常笑他人怨別離如今小姑年十五能不憂愁有幾時

無題

花黯橫塘有路通斷腸蓬送画橋風驚鶯燕宿雙生樹驚鳳那栖半死桐
楚峽雲歸芳夢散秦淮月在故樓空別來聞說新秋來學得蛾眉幾梳工

旅次書懷

幾年不種漸谿田覺我疎慵更勝前嵇阮豈須經世策巢由何用買山錢
莫愁湖上春携酒長樂橋邊月泛船惟有古懷消不得臺城衰柳白門烟

正月十三夜同王若觀伎共用來字

倡樓羅薦間急管促行杯花氣衣香奪曉光燭焰回舞飛雕砌雪歌落綺
窗梅不盡橫陳態猶期三五來

題王野城南居

瓢笠高懸壁交游久絕踪門生當徑草窗度隔城鐘野老期看竹山僧就
結冬今朝秋氣爽戶外數晴峰

送劉休淵歸中都

白下憐君失意頻，梁溪歸路聽鶯新。
牧家古市低橫樹，十里平蕪遠見人。
河上虹分官渡雨，城頭花壓驛樓春。
交游已自隨金散，羸馬蕭蕭獨問津。

上洋道中

帶雨片帆搖，人烟隔浦橋。
築岡防海嘯，補屋避江潮。
地沃征徭重，年豐稻饒饒。
時依村市泊，機杼徹寒宵。

寒夜與范汭過黃習遠蕭蕭齋宿得人字

淅淅投君宿，維舟先問隣。
村烟寒結屋，山犬夜欺人。
屑以違時僻，交因遠至親。
蕭蕭松月滿，款客不妨貧。

秋思

兼霞霜冷雁初還，歸夢如雲只戀山。
一夜潺湲西閣雨，夜來秋氣滿人間。
訪沈逸人不遇

官人斜

閒尋芳草到門遲，雲水無心本不期。
枕畔殘書猶自在，主人出戶未多時。
沒骨埋香却怨誰，化為黃土出花枝。
開時或得君王惜，猶勝深宮未見時。
鸞峰寺寄友人

水浸長橋深復深寺門花密却陰陰尋余只在竹聲裡不聽鶯聲何處尋

過田家

馬踏橫索客心嬾十里無人煙火斷僕夫驅馬入田家老翁山戶能相款
草中角角雞哺雛房內呱呱兒新誕舍有餘糧可接荒畝多積水能防旱
借問客子來何方炊黍蒸梨羅酒漿話餘弄拓陰移徑坐久牛羊走上堂
長男輸租入城裏傳聞礦稅天下起舟車牛馬皆有租老夫八十眼所無
我言老翁且莫苦淮南還有李開府謂淮撫李公三才

閏九月燕子磯登高用寒字

閏月蕭蕭萬木殘危磯晨景歷江湍却登高處更重佩尚有餘秋菊再看
浦口雲深帆影暮石頭風急雁聲寒松亭羈磴閒行遍正近斜陽莫倚闌
同曹學佺過宿碧峰寺恩公房得風字

入寺昏烟做雙橋竹欄通僧歸殘聲暮客夢亂山中燈暗牕沾雨枝喧鳥
啁風他鄉寥落夜語笑喜能同

春夜有懷姑蘇

潮落秦淮月映沙金閨有夢在誰家不堪暮雨楓橋別無賴春風茂苑花

舟舫連荷散子夜窗臨睥睨聽啼鴉分明舊事渾如昨過柳經梅幾歲華

春遊曲

細雨濕春泥流鶯發樹啼東風淮水曲落日長千西夾道看馳馬岡場下
聞雞仍接今夜醉月出管絃齊

雪浪菴看桃花歌呈愚公

白石累累如雪浪青山蒼蒼疑屏障孤菴結處絕人尋千樹桃花深又深
吾師講散僧徒暇或行或坐桃花下悠然花下悟真機落花偏著定時衣
處處飄來天女散紛紛樹出佛龕飛如此春山誰獨往城中人有山中想
磻戶踈鍾出谷通石橋流水和雲响幾曲雲林望不通惟將流水世人同
徐穿鳥語枝邊路傳過經聲花裏風步步留人春不盡掩映嵐光無遠近
池上數株昨夜開舊紅幾點逐沿洞禪關自與仙源異莫誤漁人不再來

廢南院看桃花

院廢花猶發遊人爲此過荒蹊侵野水露井綠新莎閒處誰扳折種時曾
綺羅惟餘聽曲意誤入鳥聲多

過林子丘茂之兄弟新居

雖然不出郭幽僻似郊墟兄弟無餘業閉關好讀書取山閣北牖留月廣
前除賴有曹評事常過問索居

送姚鼎梅

寂寞古城陰孤舟淮水濤看君不豫色倦我遠游心別路生春草還山多
苦吟只將疎豁意歌入浦雲深

出龍江關遇中州張民表遂與同舟得歸字

河橋纔過兩關樹又殘暉出郭忽已遠逢君竟似歸蒹葭盡舟欲發沙際語
相依且莫乘流去空江暮雨微

望舟中感懷

水國蘼葉早春山蘼葉肥誰憐行路客若盡離家衣村犬迎舟吠田鳥繞
郭飛悠然望遠岫却羨暮雲歸

送張朔少遊燕

世路難如此問君何處遊燕京方還客塞上正防秋沙磧長風急關門落
日愁將軍油幕裏誰有接應劉

青谿泛舟偶訪友人

青谿有九曲曲曲見鍾山山色長如此水流終不閒却于日暮發好趁月明還之子門臨岸維舟且扣關

秋日寺居東王僧劭

檐樹涼颼急庭蕪白露薄登臨爲此始物候又驚殘寺靜秋吟好林深夜坐寒仍多禪侶過澹語更成歡

秋夜與俞安期宿烏龍潭吳家水亭

潭光與月色清徹一箇中陰過臨城樹涼常隔岸風留虛涵若水亭敞坐如空幽極不成寐高懷有客同

與曹學佺林古虔過孔雀菴訪韜輝上人

竹日下清暉林深一徑微蕭然瓢室靜可息道人機汲井鳥衝出關籬蝶繞飛復過隣寺去留與月明歸

離夜

白露塗蘭堦秋燈耿離席風景淒以清情思紛如積臨曉庭樹光送君立門隙昨夜秦淮月今照板橋客

贈于納言文若

還治出西華春城散曙鴉俸支常不足客到竟如家古思澹流水閒情賦
落花朝朝垂手版山色正當衙

殘臘阻雪雲陽客舍

鐵甕寒潮凍不流雲陽風雪旅人愁客心不與年爭急且緩歸程一日舟
寄陳使君抑之

海南無雁亦無秋萬里何人寄遠愁寂寂孤眠淮上月憑風吹夢到羅浮
浦子口作寄吳隱君夢陽

潮浦金陵漸風高浦子城烟帆來楚色霜葉下秋聲水國開千市天家駐
五兵旌旗搖列壘鼓角動連營海汛防南服邊烽接北平壯心空宿肯逸
思尚縱橫幾逐漁樵侶常投草澤行撈蝦沙岸淺牧豕竹坡晴旅食遊
倦秋衣未成平山獨可眺眺遠寄離情

癸卯元夕曹能始席上咏夾紗燈屏得花字

火樹當筵出燈屏繞席斜透迤一片影匝匝九枝華薄素流明月層波浸
百花龍背然作霧雀彩散成霞曉戶鶯窺鏡春牕蝶誤紗盈盈空內外散
客若爲遮

早春水閣

昨夜秦淮春水生，朝來合岸有波聲。
春陰不散餘寒在，雪積鍾山一片明。
與喻應益言別

楊柳河橋日向新，空江無處不通津。
留君且過花時去，共泛青谿曲曲春。

添宵曲

嚴城禁苑漏傳稀，戚里侯家啟夜扉。
花裏歌聲驚宿鳥，池邊水氣怯春衣。
佳人吹語風吹過，公子留連月送歸。
裊裊帳沉沉，芳宴散夢魂應繞翠雲飛。
閨中與吳元幹過馬季靜家酌

多君新釀熟邀我，客中間剖橘香生。
手銜杯暖泛顏敗，藤索格下爭雀墮。
籬間門巷斜隣寺，朝昏易往還。

夜夢還家作示林古度

晨光銜北牖，攬衣庭前步。嘿念戚無歡，心中綴想慕。
君問想何爲，夜夢還鄉去。茫茫俄頃間，整與骨肉遇。
我家漸水上，門前蔭古樹。樹下卽池塘，塘邊墟落聚。
墟落幾遷改，埽夢猶循故。親知異老亡，慷慨如平素。
小女扶床戲，弱子緣堦驚。攀枝不及花，牽衣適迎路。
山妻飯中厨，含淚復含哺。入戶

理殘機行圓摘寒飆在昔怨貧賤歸來甘荆布緒亂語難終神悻迷驚竈
想像反側際依稀情景具愴愴心內酸歷歷爲君吐君亦道路人無語空
相顧

冬至夜集曹能始園亭觀伎

佳候要佳麗山齋啟算扉入園驚荔發窺瑄見灰飛梅亂歌中落春爭笑
裡歸橙香寒麵面桂氣暖熏衣粉壁釵橫影雕窓燭散揮不堪絃管歇殘
月尚棲幃

偶書園中風土十韻寄金陵知己

風氣南來異行行歲月賒梅香逾五嶺猿聲類三巴時見蠻烟黑還驚左
語譁舟中喧水碓城上出人家荔子家家種榕陰處處遮居民晴着屐市
女晚簪花短蜮能伺影雌魚會噴沙蠟房經雨吐石蛙入春華劔浦龍何
在螺江事可嗟好游非向子錄異是王嘉鄉信難逢雁端期易及瓜吾生
從汗漫世路更無涯

過曹能始家作

非我頻相過知君日日閒家貧能愛客官冷好遊山待月時同出看梅昨

共還斜陽照深巷又見竹門開

除夕曹能始宅林茂之弟彥先同賦 癸卯

今宵愁轉劇離子倍情親聚飲情家慶分懽念旅貧春添爐氣暖梅照燭
花新共惜須臾別明朝臨歲人

元旦書事 甲辰

閨中風景麗元旦百花開有岬皆榮草無波不染苔樹光搖粉堞雲彩照
金盞濃貨新年點春衣隔歲裁夜鑪藏宿火曉燭剪殘灰袖裡分餘惠釵
邊簪落梅松枝當戶挿椒氣拂牕來正好隨惟笑那知客思催

人日立春林民部宅觀伎

雙節值新年東風裊伎筵土牛官鼓迓彩燕內人傳杏子裁衫薄梅花點
額圓歌深眉黛蹙酒重臉紅妍香霧迷恣鳳金屏影柱蓮尚書舊東第賓
客喜重延

集林光祿新第得花字

到戶塵喧遠開門蕙徑斜圖雲流礙棟刻鳥立窺紗帶笏移隣竹栽枝寄
別花殘霞藏宿雨弱柳墮栖鴉亭敞分歌伎池清漾釣槎誰言光祿第定

是石崇家

贈莊春者

高臺望若仙出色異人妍
南市重圍壓東方千騎聯
衣邊浮日彩髻上惹
春烟更恃衆憐意婦嬌女伴前

武夷小桃源訪劉道人

甲辰暮春能始茂之同游

崢嶸入陷石徑轉逾窄
剗然洞門開斜光一道白
龍湫流暗穴鳥篆繡
苔額窮源有古村二三避世客
避世非避秦栖心鍊精魄
春田自耕刈衣食無需索
風動棕花落雨過藥苗摘
鶯啼林木秀犬吠葺空碧
居然眾山中遂與眾山隔
坐久恐迷誤歸路誌前石
白雲洞口深似杜重來跡

榕城小妓奇奇歌

奇奇十二髮垂肩婉伸膝上誰不憐
鴉頭髻梳望如墮杏子衫新紅欲然
市門半面窺人慣門前潮水東西漫
阿爺歡喜阿娘嬌東家妬殺西家羨
六月南風荔子紅斜柯輕立踏如風
八月西風龍眼低今年攀折與枝齊
年紀雖小齒消歷漢語吳歌聲的的
劉家碧玉未須論越客明珠應不惜
惜問春來幾樹花雙拋橋畔是兒家

登釣龍臺

秋色延高臺荒廟亦冷雨三樵牧兒投石試深井

度嶺作

谷口鐘聲度嶺微嶺頭嵐氣散朝暉江山處處通鄉路只是遊人不得歸
宿曹能始吳客軒題壁

國亭臨浦口門巷暝烟深池岸波新浴花谿草乍侵雲來窗上濕月過樹
邊陰誰謂留吳客余將起越吟

瑞宗寺

路繞鸞溪去復迴鵝池聞說右軍開山僧相遇衣裳濕雙劍峰頭看瀑來
登五老峰望彭蠡湖歌

同游凡半月

甲辰仲夏梅子庚寅宜仲曹能始林茂之

適度含鄱口來登五老峰千盤萬剎無人跡雨過泥腥見虎踪一徑孤懸
五峰背烟嵐五點濃如黛壁面起今巖相向石顏登今詭萬狀履觸雲生
處身齊飛鳥上霞綬屏今成錦霧涵谷今如漲峰頭霧雨峰下晴一邊湖
樹夕陽明波解直抵都陽縣江色遙分湖口城憶昔揚旌彭蠡左湖心迴

陞看將陞今來頂上看湖光朔光射眼白如霜不知浮蕩蒼翠表只覺微
茫衆山小林交陰兮青兕啼草丰茸兮故步迷遊人今夜何峯宿遇還鐘
聲度水西

晚投黃龍寺慧宗上人房

幾處禪林聚似村嶺頭風雨礪頭昏千枝燈影僧初放一派經聲客到門
師子巖

石罅置檐楹高低縱復橫臨深暘幽意極嶮盡遊情火照潭心影經傳洞
腹聲際眉巖電射繞足礪寬生潛怪禪能伏啼鼯聊不驚欲窮前勝處無
路若爲行

潯陽張侍御宅詠伎

房櫳花色色池館月盈盈古服仍椎髻新粧忽曼聲聞香方覺笑辨珮卽
知名上客莫言醉分歌緩夜情

送林古度

分手寂無語殷勤獨此心夢於遊處得情向別時深廬嶽雲初起盛城日
半陰孤帆卽千里昨夜在東林

新秋建安王半隱園應教二首

坐望林巒隔行分島嶼遥暖朋橫臥柳岸閣接平橋微雨驚雷散輕炎入
樹銷溼遊屏侍從疎路似漁樵

輦昇登臺望西山翠滿欄湖雲屯岸宿松露滴衣寒萬井炊烟吹千家市
火殘笙歌引前路花密出猶難

晚登九華山

望江亭望眺江晴眺眺秋兼風水聲寺隔數峯猶未到禪燈幾點翠微明

登天臺峰宿

峯離寺二十里山之最高者

攜燈松崖幾百層探攀角貫始徐登昨朝望處今宵歇巖下雲埋入定僧

別九華山二絕

寺前秋淨萬峰閒正好尋山又別山各轉路迴留不住水聲相送到人間
複嶺重巖出路賒漸看龍口有人家行行數里猶回首愁雲滿山蒼麥花

舟泊石頭城

依舊城邊明月輝城中蕭索故人稀南遊日望東歸急及到金陵不是歸
西湖春遊詞七首

吳歌百花齊湖春萬柳低管絃初沸日羅綺已空闌上巳連寒食平輪問
馬蹄遊人爭向處多在斷橋西
湖水碧粼粼還疑汨與溱寒食臨翠渚踏艸及芳辰合岸花薰暖雙堤柳
夾林今年風景好直爲遠遊人
橋外卽當墟樓陰碧樹扶水筵移岸酌越女唱吳歎一徑穿孤嶼重光帶
兩湖匝波舟掛樹處處起鷗兒
越女善擊舟吳姬解擢謳尋低芳樹下人擁古堤頭香醪尋仙客靈峰間
龍花時無遠近分日出城遊
晴光上柳條結伴戲花朝歌近舟沿岸人閒馬度橋雷峰看塔迥葛嶺弄
泉遙目莽爭門入衣香滿路飄
新堤楊柳斜遊冶肯還家珠彈光流月春衣色勝花幕遮芳艸路騎並美
人車何處菱歌起仍憐似若耶
遊路背湖分林限復水濱年傳秦代石人拜宋時墳塋影雙峰見松聲九
里聞不知天竺近香氣藹成雲

過吳門訪沈野范內携酒至因賦

東坡詩集卷之十四
二十四
卑橋通市外鴻墓卽城隈芳躅君能繼衡門客到開藥香餘石曰茶綠泛
山杯鄰園花迎發東家酒送來池萍初點絮塔笏欲穿苔離復尋行跡荒
蹊不剪萊

酬何璧

少年爲忘在仇恩老大銷磨百不存寂寂孤窗風雨夜因君知我與君言
寓范汭家過其友卜潤市新居

綠樹陰相接過君不出門少年能淡薄高臥動寒暄開徑多隣客移家只
故園曉涼開汲響鑿井在籬根

贈王德操居士

家在半塘住常聽虎寺鐘持齋坐孤館禮塔向高峰姓字能藏市妻兒相
賃春寥寥梁孟後于爾繼芳踪

遊天池寺

誰家墓道荆猶新便見禪宮跡日陳寶地也開端別主青山終是屬遊人
殘僧寥落他鄉乞古佛荒涼野魅隣惟有泉聲秋可聽苔衣漠漠石磷磷

送方子公

行止因人定倉皇爲計非出門雖異路貧賤自相依雨濕秋衣薄風吹病骨微昨宵曾宿別鄉夢亦同歸

舟泊天門山寄金陵故舊

際晚帆投岸蒼蒼暮靄平別愁當月滿鄉夢趁潮生牛渚今宵客鳩茲明日程漸欣江路少得近故山行

到家

渡口尚餘景喬木故鄉陌誰云客不歸今歸轉如客村犬吠路隅室人避門隙入戶恍有存依然舊四壁始歸人意新隣里皆來覲交譴我何言誰復関行役興念及殤兒生未諳行跡夢寐何由通徒聞人所惜別時種園樹過墻盈幾尺且復息其陰淚沾衣上碧

秋日雜詩

新穀望將熟無田安可希飢驅兒女去同拾遺穗婦鳥雀爭喧啄不忍相逐飛父春朝作飯朝暮作糜賴此保朝夕我心實傷悲爰思古之人貧賤甘如飴牧豕上林苑逃耕蒙山陲道勝聊自慰欣詠衡門詩

過汪隱君道會

適渡豐谿水隱隱松明山松色自幽腴溪聲復潺湲主人尚高臥童子啟柴関眺聽且延佇落日半林間

貧居

釜聚生魚甕裏塵井闢久雨却開貧床頭惟有梁鴻傳間誘荆妻作古人
湖思寄林古度

一與西湖別春風兩度來曾栖山寺裏日日待花開

早秋齋居

早晚涼風至蕭蕭聞竹聲今年無客思又有舊遊懷

喜郭昭白廬山見過

荒村歲暮誰相問惟有籬花慰索居遊過山川常在夢別來朋舊久無音
秋風鳥雀喧禾黍落日牛羊徧里間卽此蕭條空館夜與君相對話匡廬
宿吳公勵石壁山房

山館雨聲秋秋燈照石樓興因清景發宿爲故情留往事言難盡涼風吹不休少年行樂處多夢秣陵遊

送劉小小爲尼

羅衣脫却一披緇却悟紅顏有歇時學拜緇方禮佛隨班娉媼乍從師
忽驚形影燈前異猶賸繁華夢裡知寄語舊家諸姊妹年年空爲落花悲
寄曹學佺

幾年山水共閒遊無日吟詩不唱酬一臥故園春又暮
喜雨
疎疎花零落漸谿頭

沛然時雨來芄芃禾黍起我固無所望亦爲鄰里喜
窓几明日釣潭側應深幾尺水
喜晚向西軒眠谿雲滿

暮春谿居二絕句

門前梧柳長新圍雨暗空林客到稀幾欲持竿谿上去灘頭昨夜沒漁磯
柳岸沙潭風景多晚晴新綠映春波漁舸好泊深深處棹月歸來半夜過
寄曹能始

聞說官閒心亦閒馬蹄日出不知還落葉滿城秋似水家家樓上有鍾山
暮春偶過山家

山村處處採新茶一道春流繞幾家石徑行來微有跡不知滿地是松花
過吳太常山居

只在花深處恒來亦費尋書聲聞竹色鶴夢冷松陰時過隣僧飯仍多野
客吟冷然算空碧清磬出春林

月夜自寶應泛舟至秦淮

湖月忽來照蕭然水樹明櫂沿堤影直星過浦光橫家遠秋多夢年豐夜
可行前程何處泊雞唱是孟城

姑蘇曲

寶帶橋邊鵲啄花金閨門外柳藏鴉吳娥捲幔看花笑十日春晴不在家
春日過馬祭酒孤山別墅

池館青春好泉臺白日辭梅香曾賞處柳發獨攀時湖舫遊新主賓皆生
旅葵野烟沉酒徑山月冷歌帷鄰起山陽遂庭間謝傳棋還聞有遺令開

閣散諸姬

西湖子夜歌八首

湖女二三月相將戲水涯新堤看楊柳舊堤看桃花
新着杏紅衫試騎赭白馬馬驕堤路窄急爲扶僮下
三橋當路半正好與郎期湖水原無信郎來那有時

南峰望北峰如歡又如儂何當雲霧合兩峰作一重
渡頭人眼衆船開不敢要慣知儂泊處不過西冷橋
外湖歌折柳裏湖歌採蓮聞聲不相及意緒風中傳
西陵花深處舊是情人路湖船不出湖願歡尋故步
悔寄孤山梅悔折斷橋柳兩地本無情郎心那得久

過西湖懷曹大參學佺

每憶同遊處悽然起舊懷
蘭舟曾泛泛春鳥正啾啾
幾訪孤山隱常持淨
寺齋苦吟花閣曉泊月柳橋佳
此別經三載聞官進兩階
旌驂臨蜀道賓
客散秦淮出祖龍
江日嗟余不克偕

將之廣陵過別林古度留小酌

客至摘籬豆一尊相對吟
山光當戶冷秋色入門深
卽此寒燈夜兼之遠
別心明朝廣陵道水岸但楓林

禪智寺李本石宗衍同遊

月明橋畔寺云是舊隋宮
磬發山堂寂烟銷輦路空
旅懷深落日古思入
秋風耐可同遊在看碑
衰州中

法海寺

野航時可繫林寺畫猶扁古木無年歲清陰滿戶庭客來方禮磬僧坐但翻經烟起炊茶竈聲聞汲井瓶窓過湖島白簷挂葉蟲青蔬飯欣然飽徐徐步遠堦

吳山人夢陽

夢陽字允兆歸安人生短小稟性強直鄉里有不平事奮袂剖陳不避權貴召上人畏而遠之薄游長安與米西寧張聖標爲文酒之交西寧沒策蹇三千里經紀其喪諸公皆多之好吟詩詩不就竟夜不交睫苦思刻鏤必得當而後已知音律善度曲晚遊金陵徵歌顧曲齒齠牙落猶鳴鳴按拍好事者至今傳之允兆嚴於論詩雖黃不少借常集汪景純家聽歌與程孟陽限韻爲數絕句互相歎賞又卽席送潘景升約爲短歌孟陽詩先就允兆擊節自取其草碎而嚙之其通懷樂善如此

和陶飲酒二首

何悔不學劒豈云不上書歸來坐涼月綠水周吾廬庭草一以新知是春風初故人惟故心獨不謂吾疎相向宛風昔豈不懷舊都舉目盛雲物安

能無歡娛

狗名視逐末錙銖爲重輕置身等草木安得無衰榮華屋歌未闌白楊聞
哭聲向平果何意問死何如生

和孝若湖上作

浩渺湖之陽信爲子所止氛濁一以屏冲襟淨于水涼風四面來暝色從
中起茫茫觸無情情來莫爲理寧以終占懷委之波靡靡

孝若留飲短歌

蘋洲之上何所爲向君索酒酒勿遲今夜不醉今何時虛檐燭短風雨苦
君屬我歌君可舞座中無言心各許主人胡不進樂方語及喪亂哀國殤
使我罷酒色不揚更欲片言追大雅數十年來誰作者朱絲無聲雙淚下
君不見吳生輒作萬里人五年三踏長安塵明朝告別無可陳我道今人
賢將恐君掩耳我道古人賢不知古人死但願君家有酒吾且止眼中依
依二子

暑夜孝若携伎飲長橋上同諸從踏月歌

明月滿地寒如霜踏歌出門氣揚揚登橋仰面天蒼茫千峰萬峰挂女牆

酒星客星爲低昂老夫與好君相當阿渾阿咸底復狂袒跣大叫呼索郎
長鬚伋伋催行觴甘瓜碧藕壓酒漿其時妖冶誰爲將黃衫宕子青樓倡
絳紗引出差飭粧艷態狼籍脂澤薌嬌歌忽轉嫵媚娘前溪采菱音旋亡
入宮變徵吾未皇坐來白露塗衣裳鬢毛刁騷肌骨涼烏棲月黑還洞房
博山烟滅燈無光蟋蟀當戶逼人床歡樂繼之慨以慷悄然無寢夜未央
徘徊中庭何所望

夏玄成邀集中園歌

君胡爲乎衡門下偃臥中園號桑者滿牀圖史安得貧鳴關鶴棚供蕭灑
比鄰大賈誰過從柴柴籃壘多從容生徒散去亦不索退院老僧方打鐘
我獨來尋一二友如君悠悠吾且朽烹葵剝棗饒盤餐不妨案頭權設酒
有酒便堪酬酒徒白頭能傍酒家胡人間何許快意事大叫一擲成臬盧
清商舊譜新聲續還唱江南采菱曲曲聲半落風雨邊人影蹣跚滅華燭
今人之樂樂未央古人一往誰能將我懷古人色凋喪出門空覓江都相
荒丘野蔓誰家宮玉鉤斜上吹淒風欲將衰白變美好八公山上皆青草
何如諸公達者爲使我一飲成淋漓客散吾留雨如注好君正在蕭颯處

還將舊事仔細論惟有邗江之上潮來去

同潘景升顧嘿孫集湖上代妓作

妾家白門楊柳下楊柳當年繫郎馬又住錢塘楊柳邊楊柳仍藏烏啞啞
生憎啞啞烏逐郎郎在湖聊復爲郎提玉壺泛月月未起蕭蕭一湖水向
月人人道有情未見情人爲情死君不見白使君蘇使君一呼小蠻一朝
雲今日妾歌懊惱詞借問使君聞不聞無端再唱金陵樂若個天涯不流
落好認西湖是妾家南屏山前多藕花藕花折郎手花飄不得藕心知郎
有他爲郎來勸酒一訴姊妹知不如訴郎友將尋小小過西陵月落天低
江渡口

送張去華走哭汝陽王胤昌宮庶

君不見南州孺子辟不起一朝徒步走千里英雄但可輕浮名那可無心
報知己張郎心事亦復然絮酒持將哭泉裏自言不受他人知惟有汝陽
王庶子出門滿路吹蒺藜眼底誰爲此人死更將肝膽何處明一片悲風
咽汝水

重過友人花下歌

憶昔曾醉故人家滿檐春雪吹梨花花開花落今幾度爲問客顏得如故
故人老去猶故心折花憶我相思深重來看花花益好可惜看花人盡老
此時花裏春風顛此時沽酒莫論錢當杯但畏花欲落且向花前同醉眠
若過君家能醉殺便須埋我在花前

辛丑冬曹能始過客舍若魚中因徧遊吳興諸山歌以美之

君胡爲兮樂吾土臨水登山吊今古故鄣城外君同船詩中不吊陳霸先
關中布衣呼不起挂瓢堂中君獨倚悄然憂來不可輟長謠短詠皆奇絕
凍雲不收天雨雪皎天青照顏色其時值我不出關今年相趁控霍還
勸君入官官復閒蕭蕭蕭蕭山水間嗟嗟古人骨已折今人誰與友心憶
臧三夢吳九不別茅維重携手山水風流或在茲一日遂爲君所有

相逢行別朱大復比部

請君爲我止聽我相逢行相逢恍若昧平生顏色可疑心事明但云兩人
天所成安能百歲無合并眼中不覺鄉國遠一日携手長安城因之齒牙
及餘子臧三無聊董大死饒他獨好蓬蒿人復使區區入君耳與君各抱
龍門桐朱絃九絕非不工今君將使大雅作吾亦爲君揚國風洋洋人人

無上下君方在朝吾在野縱君寡合我更窮忍向悠悠希作者作者有如
君吾何怨幽獨卽來遺我珠十斛用之字字荒年穀無端別擲書一行我
正悲酸不能讀直從野夫論時事其間奚止三痛哭野夫痛哭思上書憂
憤不知臣分疎君謂斯言胡草草在君言之猶患早況乃襤生衣褐衣眇
小誰容言是非所惜爲郎不賜見豈其遂忘鉅鹿戰一論往事心膽寒更
無長策求治安皇華漫詠日出處鯨鯢晝夜興狂瀾相沿猶號女王國叛
逆底須勤縣官及今所恃在天險愼勿苟且遺三韓斯言特地向君吐知
君矯矯存忠肝嗟嗟壯士無由得瀕海經營湯信國其時訓誥絕島夷卓
矣高皇先遠識乾坤全仗開闢功億載縣縣由帝力近日曾頒罪已詔
俄頃河山盡增色明朝送子去朝天自今更始理必然人人建白惟恐後
中有幾人如子賢世上無非子能事不忍使子名空傳野夫高枕娛白日
何妨音響相周旋所思在此勞夢寐合眼已覩中興年夢來原識到家路
參差芳草衡門前

爲鍾清叔題薛五蘭卷

薛五嫁人苦不早皆知倡家擅技巧寫生乃是第一技所見無如此卷好

蕙質蘭心有深寄，葉葉莖莖吐幽思。其餘點綴亦復佳，剡藤數丈披清氣。
而兼題詠頻致余，余亦每呼薛較書。居然獨立脂粉外，薌澤全拋絃索疎。
通國名姓出其下，仍嗟舉世無知者。眼中鍾叔比鍾期，此卷祇應遺叔也。
叔也有情情復起，我題情語情如水。枉教夢到湘江頭，湘江水絕蘭枯死。

捕魚詞

錢唐蕭蕭暮潮響，雪片打船天蒼莽。此時江心魚不上，漁郎視魚如在掌。
身躍水底勝落網，手擎一尾一尺廣。回身落水水幾丈，俄頃出沒魚穰穰。
起立船頭髮蔽額，不著衣裳還打漿。

同周叔隱夜坐

罷酒尚寒色，頽然擁衲衣。洞簫吹雨歇，殘燭映江微。道路人如老，鄉園夢
不違。連朝常少睡，支枕問清暉。

東生湛園

道路談丘貉，惟于此地親。了無塵事到，各有土風陳。池集常來鳥，花窺將
去人。燭銷仍繾綣，半爲惜殘春。

錢簡栖月駕園

所欣連夕燕世事不曾論得與時人
邇常如往者存異書抽秘府嘉樹看
鄰園忘却春將半飛花吹入門

邀諸友集顧所建湖上水閣

相趁探春去采尊一爲携花繁那辨樹湖蕩不分堤老益希新好閒能補
舊題酒家知在否烟雨段橋迷

陸纂甫至

北埭重得見未暇道相思國計今如此吾徒何可爲暑禁寒雨積老任落
花吹賸有銜杯興君還進茗糜

對客

舉世悠悠者都非君所從有人相許可垂老一從容小雨披群竹清霜勁
老松別無相對語牆角遠聞蛩

中秋日趙文度過小飲

相逢說牢落況乃值清秋滿地已黃槩他鄉應白頭酒邊愁較緩身外老
堪休爲贈青天月須君盡日留

姚百雉見訪

一杯綠爾設心曲直須陳花下何由老吟邊那得貧史無磨鏡事客有賣
漿人似此誰聞得惟應向我頻

送黃貞父北上

期君向所負今出果何如明主爭爲用高名善自居有身須事業無意卽
樵漁朋舊同聞此長安不寄書

送胡孟弢邑博之沅江

携手情無極茫茫此別何一官猶俎豆滿地已干戈畏路身難定騷人怨
自多可堪家落思木茅洞庭波

撥悶對翁晉簡義公

莫道秋來興陰晴坐鬱蒸茶鐺處水碓書帙儘塵凝老眼何由放諸山久
不登因之懷舊好幾个白頭僧

都下寄龍君御

及此賜環日敢遺招隱詩賈生流涕易嵇叔入官遲治粟緣時急煎書許
客知武陵花不落恐誤出山期
得曹能始白門書却寄

務求千古合寧與一時乖此語無人道安能不爾懷閒情陶飢渇舊夢法
秦淮所可遙相慰暮來風日佳

留贈老僧

聞師日靜坐煩惱靜中除燕子隣家去僧雛別院居嶺雲端復盡山果落
將疎猶有相關事溪頭值老漁

禮受師

幾度尋師到茫然空自回所聞無一了安用此重來江月爲心印庭花儼
手栽尚勤諸弟子香火影堂開

過咸宜所村居

相期殊有謂相見且無言不使錢刀盡安知意氣存孤蘆聊四戶燈火自
孤村最好交游絕諸山在草門

同翁晉還自吳門志別

明朝子解去昨日送茅維芳草猶在望素心還自持旅魂花片片人影幾
絲絲近日情如許那爲萬里悲

罷讀

殘書且罷讀兀坐夕陽軒睡去入松影醒來通鳥言身閒衰老骨事少暮
冬邨忽作窗前雨蒼蒼雪氣屯

飲翁升小樓同翁晉作

開尊誰是主但飲不須疑密坐皆無次同來似有期谿山留客易風雨下
樓遲別後還相憶梅花恨滿枝

湖上同晉叔嘿孫作

心賞無過杯酒間良朋難合復追攀重尋往事渾如夢好新清談一解顏
秋杪細聽將墜葉月斜猶傍未沉山請看臨別蕭蕭影幾度殘鐘拂照還
楊仲明見訪有贈

村僻相將學課農猶煩朋舊遠過從出門覓取誰家酒隔水聞來何寺鐘
往日姓名疑劍俠近來鄉曲號書傭自誇興到還多事手植荒庭一老松
甲寅新春對客作

瀉盡沈澌春氣溫一溪新漲舊柴門野僧同住權爲寺水鳥孤飛不出村
瓦鼎抵應烹臘雪蓼林最好傍朝暾過從總在滄江上安有平生未吐言
送戚不磷之內黃訪劉遠遊

野夫元是客中身，復向離堂易損神。
鳥嘒一聲林已夕，花吹三月路無春。
黃河不接黎陽樹，青草偏生楊子津。
非爾中年急知己，那能輕作渡江人。
散社後示諸子兼辭酒會

蘇晉長齋列飲中，留連聊與故人同。
生憎情劇三眠柳，徒自身輕半死桐。
細草忽隨春浪碧，遠山渾入夕陽空。
無端覓得桃花枕，一覺悠悠荅甞公。
唐僧畫法師嘗作桃花石枕歌後焚詩於瑤山寺

過張孟育話舊

讀書無遇不能休，一話窮途客自留。
颯颯枯枝霜滿樹，微微殘臘夜登樓。
二三知己皆黃土，幾箇生徒又白頭。
如許老懷那道得，到門湖水日悠悠。
過愚公虎丘寺

烹葵剝栗儘相關，坐到昏鐘始下山。
弟子可知皆白足，老夫焉得不蒼顏。
花飛日日何曾掃，柳長村村只未攀。
路黑出門燈肯借，画船簫鼓幾家還。
已酉新春二首

自擬今春懷抱開，林扉時復掃荒苔。
沙頭鷗鳥休飛去，野外梅花許折來。
多少隕人空識字，從容留客不銜杯。
題書偏問諸名勝，肯入廬山般若臺。

百年何負草堂靈
詎使尋常問客星
不種公田仍減產
尚無飢色喜添丁
人間安用屠龍技
方外曾攜相翟經
空手出門風雨至
也須簪笠問樵青

秋草

八月幽并百草黃
還聞一曲奏清商
關河今夜皆寒色
陵寢明朝但夕陽
久客自然迷道路
後時能不畏風霜
吳兒莫說漂零易
未到邊頭古戰場

別黃伯傳

但作尋常別不作尋常語
夜深江月來還疑未別汝

晚泊

老屋如巢居亦復禦風雨
中有獨坐人焉知不可語

偶成

江上元無暑涼風暑盡收
鬢毛吹已短還度幾迴秋

再過汪景純

金陵樂府杜秋娘宛轉新聲隱洞房
林木盡飛江水咽那教人聽不回腸

送吳翁晉之官白下

爾從舍我客東阿
京邑論交長者多
今日草深丞相宅
莫因腸斷不重過

送茅薦卿之官白下

壽國常存感慨餘一身牢落髮蕭疎
官閒勿謂全無事前歲聞君有諫書

送翁晉東遊

春風常在故人前爲折新花媚別筵
惱殺當筵飛片片可能吹到渡江船

半若將人山送之

山中多有好生涯礪戶雲關不苦賒
試覓前朝避兵處至今猶住幾人家

送孫子長

國子先生較廣文高名無地不歸君
長安難得官如水只合題書寄白雲

送王明府擢水部北上

長安誰與說江湖市上今無舊酒徒
祇是同曹茅水部問儂曾見令君無

送錢元英請告還鄉

託病還山意有餘今人惟讀古人書
若然門外無隣近願借溪灘學打魚

送汪念潭

秋山萬疊赴新安清淺溪流五百灘
誰向此中深領畧問君何不早辭官

古道蒼望華亭

沿江遙指白雲隈樹底空牀徧綠苔今夜道人來借宿前峰先有雀飛回

陳山甫邀集楊姬華林館同賦四首

一片清江寫遠憂新花還覓舊青樓黃衫謝去諸年少領略風光幾白頭
四月探春春已過他鄉行樂莫蹉跎詩家文酒媚家會結索金拋翰墨多
烟花四郭舊曾題迭變新聲拍按齊聽到開情情忽忽絳紗休妬翠眉低
諸郎焉肯負尊壺臨別連呼大白來問我何曾高興索滿街明月暗歌回

王山人野

野字太古歙人從祖仲房以稱詩有聞太古兒時習爲詩稍長拜博士業
從其兄賈江淮間兄死不能歸入吳說梁溪土風家于鴻山之下與妻子
舖糟不厭死久之詩益有名遊于金陵不輕謁人貴人慕其名訪之累數
刺始一報謁蹇驢造門稱布衣王野投刺徑去自選刻其詩一卷晚年詩
頗爲竟陵熏染竟陵極稱之爲評隲以行世凡竟陵所極賞者皆余之所
汰也子僧助字彥綸亦能詩早卒有臚明草其佳句如陳匡左過飲云峰
冷秋雲白墻陰晚照殘永慶寺夜坐云風輕松韻細露滴月涼生晚泊江
上云晚煙生浦澹秋月出江孤月云峰銜形似缺江動影難安人謂得乃

翁衣鉢也

金城禪院

林巒殘雪霽淨土獨游頻鳥似忘機客山歸入定人
置花飄不盡古木自無春坐悟衣珠在空經累劫貧

訪王伯穀

流水方窮處茅堂空自開鳥啼春樹綠花發故人來
白日待將夕青山去未回題門吾豈敢此意寄蒼苔

雨雪曲

大漠雪漫漫胡風入箭瘢平明沒馬足半夜折旌竿
聲疊鼓聲暗光添劍戟寒鉄衣三十萬誰不憶長安

赴中送僧還舊山

折柳插瓶溪水灣此方籌畫又思還春花乞食雲門寺
秋葉翻經瓦屋山雲起珠林封舊跡月臨寶地憶慈顏
知君身似旃檀樹已去留香梵宇間

征夫怨

黃雲白草沒燕山百戰空存兩鬢斑不識征夫三十萬
幾人生入玉門關

柳枝詞

江上春深萬萬枝含枝帶雨盡低垂不知此物關何事今古令人怨別離

寄叔祖仲房

燕趙歸來二十春重游吳楚白頭新如今海內無知己到處江山哭故人

宿空相菴

所嗟人世淺託宿佛菴深試看新生月何如初發心藤垂瓊瑤影松作海

潮音明且那能別幽情已滿林

送洪獻吉還真州

秣陵還泊岸瓜步又乘潮離情似新月明夜勝今宵

倚樹

偶爾依芳樹跼跡綠苔身忘群鳥近坐久一花開移影高還下看人去
復回携臂空置石翻動任風來

庭前坦步偶見峒山延佇以詠

偶憐山在目淺立意悠然落泉春石屑屑樹接天半峰分夕照眾竅共

秋烟將謂迷來徑樵夫已過前

出郭訪王叟園居

遙想棲託佳春霽引坦步鳥深墻外聞花隔鼻先悟入門及賓館宛若下
山路蔥蒨清意滿簡窹幾叢樹衆草冗不芟存爲蠢動寓草木遂本性愛
物見平素人靜池出魚屋衰梁飽蠶壁苔如画山天然臥游具閑叟齒逾
耄似崔林閒遇內深真真寄外淺備禮數恍惚異世人相對心疑懼雖疑
且盤桓嘯歌日至暮

山中隱者

野老自童稚看君只舊容清猿同嘯月玄雀共巢松靈藥登岸採神書裂
壁逢相尋不失路仙鹿有行踪

江口待友不至

愆期昧所適江口獨徘徊看橋屢人度立岸幾帆開森漫秋潮上飛鳴夕
鳥來坐沙頻畫字烟樹日輪頽

重陽前一日李本寧招集寶石山得來字

亂葉翻飛託草萊東窗分坐幾亭臺天低樹杪千重沒雲破江山一半來
皂帽受風先欲落黃花候日未全開歲時爭在人前好多把茱萸看一回

曹南宮學佺

學佺字能始侯官人萬曆乙未進士除戶部主事量移南大理寺正凡七年兩考轉南戶部郎前後十二年參議于蜀參政按察使于浙左遷又參議副使于廣西天啓中除名爲民崇禎初復起廣西疏辭不赴家居二十餘年殉節而死年七十有四能始美秀而文安雅有志節新建相爲座師以館選特能始能始弗往新建罷相門人故吏莫敢往視能始爲部郎追送舟次爲凡車馬糧糗言官惡之故有南評之謫 光宗在東朝有挺擊之案能始有所撰述直書其顛末逆奄用事群小立三案劾黨相能始所撰爲謗書除名爲民詔燬其錢板當是時能始在粵西大吏爭希奄指羈留以待命知奄無意殺之而止能始具勝情愛各山水卜築匡山之下將携家往居不果家有石倉園水木佳勝賓友欲集聲伎雜進享詩酒談讌之樂近世所罕有也著述頗富如海內名勝志十二代詩選皆盛行于世嘗謂二氏有藏吾儒無藏欲修儒藏與之鼎立採擷四庫之書十有餘年而未能卒業也爲詩以清麗爲宗程孟陽苦愛其送梅子庾明月自佳色秋鐘多遠聲之句其後所至名有集自謂以年而吳其佳境要不出於此

而入蜀以後判年爲一集者才力漸放應酬日煩率易冗長都無持擇并其少年面目取次失之少陵有言晚節漸于詩律細有言哉其言之也

晦日非熊未虞茂之同用雪字

艷陽已及時晦日尚臨雪草色新未穩柳條綻仍結啼鶯悶雕窓走馬閒金埒惟有素心人相過慰愁絕

送陳德遠吏部

爲郎雖已久歸家較亦近陶潛有故居梅福亦終隱日戀北堂萱時觀東窓槿應知此別長含淚不堪攷

隴頭水

隴頭水嗚咽磨刀易出血欲斬匈奴歸不顧刀頭折男兒封侯多燕領此水照人人屢換豈惟腥腥魂不食鐵騎過之亦流汗朝水流兮暮水流漢人死盡胡人休

喜茂之至有述

之子秋爲期八月始余嫁庭鵲代人言山猿出相迂會晤猶在茲景光乃云謝波濤一何廣林柯漸多轉熟徑任蒼生新亭隨鳥下露重畏蕭晨月

至惜佳夜理詠久寂寥聞蟬日銷化丘壑存舊樓懷遲龍

高橋行

東西有湖相競白只隔湖中一片石石橋湖水照人行幽意盈盈動日夕
坐來水滿月亦多月在兩湖誰作波波香美殺採蓮曲却見長江帆影過
子榴行父老傳云貴溪被縣時樓前榴樹忽僵後數日仍活

君不見信州丞相第十二高樓稱綺麗雕甍共倚黃金堂繡柱遙連白玉
砌瓊恩寶澤錫嘉名府藻宸題照日明方圓法式頒儀節多少金錢給水
衡複道文牕開扇扇極目欲窮西楚甸靈山黛色稠登來彭蠡湖光微渺
見山川如舊人事非堊主原施不測威胥江已見浮鷗去華表空聞化雀
歸魂招婦來上不得寂寂高樓徒歎息火燒崇鼎落劫灰塵飛綺棟無顏
色可憐歿後見精忠青史相傳貫白虹欲知血淚何時滅秋老榴花開尚
紅

題胡可復水閣

驢車來往桃葉渡頭歌管喧盈路金陵惟此行樂地可惜爲官不得住
我官無事長日閒之子幽期坐此間橋上行人俱在水鏡裏嬌娥別有山

行楊柳枝交蔭門外變裝流枕雲散仍從几席生潮來半是聞于浸
月明艇子搖雙雙兩岸人家浮玉缸有時暗泊疎簾下見爾科頭坐北牕
城南古意

白浪隱簾鈎清風聞棹謳看人惟看影同汎不同舟已出東隣裏難逢南
陌頭誰知弄潮水半作斷腸流

永慶寺竹園看雪

搖搖林影外雪滿夕陽前此地無人到來看尚宛然翠深俱在嶺寒極不
生烟欲問茲心境惟應一喻禪

宿范東生池上

白下思千里吳門到一尋預知片榻上緩我故園心良夜不復寢清霜時
在襟除却杯酒外直許是長吟

臘月朔日聖果寺訪戒山上人

客裏嘉平始山中歲序殘樹呈群石巧花雨一江寒明月臨禪疑清霜現
戒壇應知西向笑不是爲長安

過沈從先

幾度過吳苑情親問所居相依昔日久但覺此時疎踪跡飄蓬外詩爲腕
草餘自知苦不足於子意何如

宿石頭菴

經秋成慘思入夜始玄言霜白先微月鐘清乍嘯猿澗流應閉葉山雨未
開門明日疎林外能禁覽眺繁

舟夜

欲作題詩別仍爲命酌留故人來不斷淹坐勝於遊樹煖微蒸雨星寒盡
入流秣陵何日到信宿未移舟

夜登石鍾山

湖口行人曠山門入樹幽鍾鳴片石夜月滿九江秋洞裏懸漁網崑前過
客舟醉歌仍未已清露濕滄洲

別喻宣仲宣仲之閩

思鄉情有極送子意無涯明月看時別清霜夢後知江空茅舍靜秋半柳
條衰九派何須問居然怨兩岐

泊舟大湘

糞灰廣南商販到鹽厥雪盈堆

徑糧難粹辦村老未全馴風俗傳難卜春秋祀馬人法依山例峻歌疊浪
花新嬾婦田間過忙將織作陳機婦山指地食人田禾以机村之悅陳設則止

寄錢受之二首已卯

拂水丹房啟懸崖白羽窺知君行樂秘轉自切憂時豈即携家隱猶云拜
晚遲蒼蒼烟與霧已抗俗塵安

聖世優閒典初非前代論不聞官觀使但可賜歸恩客有時驚座公無日
署門語侵朝事際趣令倒芳樽

送陳民部出守思州青州人

言辭粉署重凄凄道路時聞征馬嘶日照夢懸鄉樹外夜郎吟向郡樓西
竹雞群哀登峨嶺銅鼓聲中出朗溪我欲白門扳柳送相思此夜有烏啼

金谿道中

滿天煙霧盡冥濛孤兔荒阡過幾叢漠漠白楊遮面雨蕭蕭黃葉點衣風
孤村斷火三家閉一水衝橋半渡窮門巷淒涼衰柳在不堪繫馬夕陽中

輓周先生明府四首

始登第後走千里哭周君之墓于金谿其

魂迴難招屈左徒傷心忍顧藐諸孤龍精帶雨長鳴劒鮫淚臨風盡落珠
八口喪歸扶廣柳一官甌破見萊蕪不知寂寞高堂下尚有青蠅爭客無
長安聞訃客魂驚一夜關山挽不成以昔但揮離別淚如何能盡死生情
風前殘燭吹南浦雪裏孤身慟北平國士厚恩酬未得夷門肝膽向誰傾
泉臺寂寂夜漫漫永隔音容想像難道嗚情人傳訣別相思託夢接悲歡
花滋憤淚河陽縣水嚇游魂黯淡灘敢問皇天容訴恨獨排闥五雲端
白馬驅馳返國陰西州消息半浮沉中山篋滿皆飛語流水絃孤孰賞音
鄰笛一聲聞鴈落墓門千古聽猿吟餘生不盡酬知己字但吳鉤挂隔林

金陵懷古四首和汪仲嘉

江東列郡領丹陽鼎足三分此一方總爲石頭成虎踞不知巫峽下龍驤
雲生寢廟千秋閏月照離門幾夜長年少風流能顧曲行人猶自說孫郎

右吳

一從荆棘歟銅駝五馬爲龍世所歌晉室山河遺畧盡維中人物過江多
楊花寂寂新官出燕子依依舊宅過飲向登臨感陳跡至今天闕尚嵯峨

右晉

鍾阜霜廳館已傾至今哀經起秋聲針樓銀漢含情語西縣金蓮逐步生
日落盧龍迷古戍天寒白馬走空城不堪重理玄暉詠極目澄江似練平
右齊

齊雲宮觀景陽樓盡入隋家作蔣州下若溪寒明月夜後庭花落隔江秋
疎鐘夢斷猶疑臂紅淚看餘獨不流何事高情江僕射攝山泉石恣淹留
右陳

謝公墩

謝公墩上日開行四野霜天一倍明亭館已空雲物麗寺門相近夕鐘清
寒山又傍斜陽路江水終銷十月聲載妓如花不同賞風流應感古今情
楓亭

長亭山勢倚岩堯半壁斜陽散采樵野燒輕陰過度水海門喧市乍歸潮
蘆花古戍生殘角木葉西風過斷橋回首不堪仙路遠馬頭塵夢又今宵
清源絕頂

重重欄道入雲登忽接空香最上層松下輕烟埋斷碣塔中殘照送歸僧
遠江蛟吹千帆雨絕經孤艇一片冰衣帶天風吹落盡危關蕭瑟不堪憑

八月初日王元直招集南樓送陳汝翔之東粵王玉生之清漳沈從先還姑蘇徐與公之建溪陳惟秦之聊城蔣之才之廣陵余返白下

西風蕭瑟動離顏一樹衰楊不剩攀秋老幾人猶白社月明無主是青山
征途南北高樓外客淚縱橫杯酒間此別紛紛難聚首天涯那許夢魂閒
別吳子修

執手依然江路岐勸余行役不須悲況當白下閒官日盡是清尊對客時
回首故山俱惜別出門新月便相思片鴻不斷能來往還爲題書寄所知
寄題奚川八景詩爲錢受之作

子選明詩嘉靖中匏菴唱和石田翁論晴較雨當家話食葉成文道者風
吳地疎簾堪避俗錢王荒草滿離宮書聲一派深更裏遠過奚川橋子東
黃元常徐興公見過因游西湖

元坐齋頭對此君閒游率爾便爲群許多烟景隨常住強半春光與客分
久雨乍晴花盡放易寒成暖酒微醺墨池何處尋遺跡大夢山前雜暮雲
春官社集感懷

停棹投漁火人烟自一區遠行銜月殘隔永度螢孤夕露無聲墜寒猿有淚呼臨流歸夢促安得涉江湖

建州道中寄家

爲客無停况朝昏惜解携山客看兩郡水色別三溪遠雁衝雲外殘蟬泣雨西征途猶未半歸信豈堪題

十六夜步月用輝字

清宵不看月誰忍負秋輝林樾欲相亂江風來甚微名香生道念落葉點山衣池上枝枝鳥天涼同客歸

沙溪別東生

幾夜舟中語沙溪便有程忍將離別淚一洒合州城小雨入江算微陽穿樹明曰歸何不得歲晚事孤征

歲暮送鄭知事之蜀二首

暫爾歸仍去征衣未拭塵特轍行候火猿峽過沾巾祿薄奴從嬾官閒吏苦貧西風吹短髮又逐歲華新

豈不念行樂重爲王事牽夕除何店裏春到故園邊路更過三峽人須老

一年淒涼盤銷夢正及子規天

詠墨紗燈

杭州元夕席上作一時罷唱

質裂橫疑水光生薄似苔憑將彩筆画認作剪刀裁鳥向空中度花從鏡裏開細看若無力不畏曉風催

送叔度還園

坐看諸客去始信一官非道固憂將喪時猶不任識瘴烟歌站站雨雪欺
霏霏那得從商綺西山賦采薇

再送宜仲

此時君定發安得復蹉跎雁信南來少鷗群北去多芳洲雖可涉寒月竟
誰過餘興乘冬煖江行踏淺莎

遊楊氏園

苔深知石古竹長見墻低積翠沈波底斜陽到岸西搜花成小汎摘葉任
分題何日漁樵老能容此地栖

柯嶼訪陳惟泰宅

馬上迎寒色梅花歷幾村所之俱白雪不識是黃昏澗水仍前路人家盡

後園何處隱處始爲到柴門

初十夜月

月色輕雲裏秋聲細雨邊經旬移節候灑暝作涼天烏宿明河斷蛩吟古
塞連予心就寂寞耿耿不成眠

溫江道中

溫江離省近民俗向稱饒處處是流水時時當度橋濕麻成白雪釀酒比
紅蕉底事歸心發驚聞估客橈

寄謝在杭

今年頗豐熟古跡悉搜尋玄室有奇字渠臺無俗音讀書知夜靜采菊見
秋深粉署多清暇應知同此心

修覺寺

漢時脩覺寺唐代上皇題蒼翠驅津筏虛空轉石梯江聲文井外山色武
陽西寂寞僧房裏曾容名士栖

夜泊彭山江口

錦城平日暖旅泊始知寒健蜀中分地岷峨相向看網連三女冢水疾二

郎難直草風吹急蕭蕭漢將壇

岑彭遇害此地有彭卞之祠

雙流

萬里橋方度雙流徑已存
薄寒成翠色疎雨點黃昏
竹柏密他樹水雲平
過村群鳥棲欲盡纔到縣西門

寄林茂之

與君期入蜀珍重尺書回
祗索詩篇寄不同
朋友來益州香米熟官舍菊
花開敬却已中路猿聲一段哀

暑中對月

客邸當良夜觀空在一庭
月爲片水白雲作斷厓
青砌合最邊露牆過竹
裏螢北牕時偃臥風起自泠泠

游軒書懷

圓日涉成趣經時胡不過
霍迎防踐稻魚戲欲翻荷
見輩知余懶僧寮占
處多連宵無月色微雨濕烟蘿

桂林風謠二首

夜坐多蚊母秋成半芋魁
寄身傳臘法文石中碑材
戍餉資橋稅山田仰

社家寥落不成歡，雖是芳春似歲殘。舊雨已將消息斷，新詩那得迹相看。
筵中踈冷梅花韵，筍裡酸辛菜甲盤。誰是代檀有遺詠，空令惆悵在河干。
初四日携具西園候夏彝仲令君因談時事有感庚辰

新潮何日發吳航，屢聽車音到画廊。階下瑞雲重對葉，座間仙令有餘香。
借籌無計匡時短，秉燭行游覺夜長。湖海尚存交誼在，嚶鳴端不負春陽。
安蓋卿招集蔣弢仲鄭肇中徐典公諸子送春

令節那容心賞違，天涯有客喜相依。似因歲閨遲遲別，不道春光黯黯歸。
閣下鈴籤稀報漏，坐中單袷屢更衣。漫言白社凋殘甚，掩映榴花杏子肥。
林垓卿客歸志感

江北山東已戰場，江南憂旱復憂蝗。若歸家裏無多事，漫說閨中只小康。
別後山川俱寂寞，眼前朋舊半銷亡。相看惟有西峰叟，凍手抄書日數行。
輓徐興公壬午冬

詞場領袖失三山，所恨存亡一水間。獨抱玄真歸洞府，空餘大羽落人寰。
平安兩日無書至，慟哭千秋有夢還。老泪可如冬節澗，祇將嗚咽當潺湲。

癸亥除夕

廿年曾注粵參藩前後趨承竝主恩巖外民生空杼軸遼陽兵氣咽關門
私憂國計無歸着屣到家書亦厭煩半百已過彈指頃尚留殘燭照黃昏

癸未上巳李子素直社城樓卽事

衆章諸郡徹胡笳閩海猶然天一涯三月風光臨上巳兩京消息隔中華
登城預想魚麗陣入幕誰爲燕子家世味不知如此惡且將清況試新茶

金陵雜詩二首

野草傍幽澗草長澗亦滿不知水流急但覺人步緩
朝出太平隄逶迤芳草齊楊花飄作絮觸面使人迷

皖口阻風二首

風入天門吹欲開馬當雖險却奔迴爰居欲避應何處猶有飛魚樹上來
風聲不定在何邊起視長隄樹影偏客恨不如風裏樹一枝吹落向南天

始本集云枝枝吹落向南天余改枝枝爲一枝林茂之日佳

留別金陵

微月斜陽影已低霜風四起夕淒淒鳥生兩翼不飛去只在白門城上啼

送鄧汝高之京

問君此去欲何之江北江南各一涯
南北卽從今日別銷魂不在渡江時
除夕東非熊茂之

度嶺穿林境孰如懷人遙望片雲居
應知寂寞禪關裡一樹梅花共歲除
和聞梵

山下層層起莽烟山中一點佛燈然
僧家功課如常事只有朝昏無歲年
荔枝嘆三首

去年荔熟初嘗閣今歲閣成風雨惡
他處蕭條尚可言忍向閨中看荔落
十八娘家粉黛殘玉肌羅帳淚闌干
楓亭三日無消息馬上空歌行路難
嬌羞十五閉房櫳風雨無端妬守宮
玉鏡臺前倚惆悵郎家不送荔枝紅
俗女子將嫁男家先一年送荔枝紅

變府竹枝詞四首

早看東南算看西蜀天只怕上頭低
東邊日出純無用雲暗上頭三尺泥
君居北井妾南沱對面相看隔路多
須趁漁舟過急峽還隨鳥翼上斜坡
今日峰高雲束腰平平一掌在明朝
朝來出門又如鳥是儂是好言郎莫焦
沿江坎上卽田疇滿店燒春酒氣浮
我眉五月雪消水剛融儂家剛麥秋

板橋

兩畔人家傍柳條玄暉遺跡白蕭蕭曾爲一夜青山客未得無情過板橋
壬午除夕四首

半月之前已立春春光猶自隔河津漫言今夜須牢守放着年光已七旬
羅陽齊石與襄陽生事蕭條憶遠方三大名藩俱蕩盡有何家計論消亡
梅花落盡絳桃開臨老偏宜綬綬來漏洩春光無次第不須簫鼓更相催
閩海誰云易作霖霧霜三日但陰陰笑把屠蘇問童穉何渠水旱不經心

柳山人應芳

應芳字陳父海門人僑居金陵住城南之杏花村近瓦官寺舊京最僻地
也爲人和雅美鬚髯修容止衡門兩版非力不食往還惟曹能始林茂之
三四人他無所詣作詩不輕出語每行街市低頭沈吟悠悠忽忽觸人肩
面不自覺也嘗語人作一律詩必還魂數十番方得意愜其矜慎如此無
子以其墳葬有柳陳父詩四卷廣陵詩人前輩有盛名推陸無從沿染七
子流風不克自拔陳父名不及之篇什亦寡與會清發剪刻常言自可使
無從却步此論實自余發之而白下談詩者無異議焉

正月十七夜宴李太保西第

正元望後宴平津羅綺初筵入早春盤馬關車纔罷夜殘燈剩月尚宜人
梅花落到歌前緩柳葉開經勝裏新不信金吾仍放禁歸時看取六街塵
詠美人梅花對鏡二首

曉起一開鏡梅花影鏡傍轉鏡失花處方知不是妝
香奩妝欲罷移照梅花前排徊兩孤影抵死鏡中憐

人日對雪

人日逢晴勝不晴雪亦嘉當山催剪綵碎却幾梅花

寄溪小姑曲

小姑家住秣陵西慣聽城頭烏夜啼向爲無郎嫌出入不知門外是青溪
勞勞亭送客

勞勞亭下路東西翻遣行人到此迷山鳥似經離別過至今不敢盡情啼
古意酬劉明府

侯生七十老監門皮骨都消意氣存不是衆中虛左待當時誰報信陵恩
王光祿家屏後琵琶短歌

十二金屏逐面遮，雙鬟背倚彈琵琶。六么絃急齊聲按，桃葉桃根舊一家。
曲罷屏開但香霧，餘音空遶珊瑚樹。中年魂夢不驚飛，離月巫雲引歸路。
長安送馬參軍之金陵

去去南遷客，遠送黃金臺。長江臘月春正來，綠冰片片迎船開。問君無事
蓮花府，一日看山定幾回。

胡可復水閣短歌

長夏宜人，溪上住。短簾疎籬，圍水樹。炎蒸不到，蕭森處。轉壁迎山，閣子開。
涼風度雨，北牕來。濕花吹集，木蘭臺。閣中別貯人如玉，停波靜寫脩蛾綠。
簾下凝妝，看不足。畫槳誰家，載妓過。倚闌竊聽，歡聞歌。盈盈無奈，蕩舟何
酒船歸後，溪聲靜。斜月窺河升，半嶺照。見雙栖梁燕影。

予適太原熊惟遠吳求叔還武昌同賦

方舟臨古渡，分路思依依。自是行人衆，非關送客稀。青山將北向，楚水復
西歸。同作離群雁，君還一處飛。

送錢叔達遊閩不遇還吳

太行聞失路，此地亦沾裳。世變窮交畏，年還久客傷。格城恒霽雨，梨嶺異

風霜歸臥茗溪上長貧是故鄉

別事福州

孤舟將北渡轉轉切歸心衣積他鄉淚
棄揀故土音山長催日暮江暗結
秋陰回首關南路思君一水深

題陳盡卿溪上居

晚歲家溪上蕭然林下風
栖雲山向夕寫月水承空
岬折長橋落城臨小市
通看君忘出處將老一丘中

秋夜感懷奉寄陳抱一先生

砧杵千家急偏傷故國情
夜雲輕欲散涼月皓方生
燭照愁眠影蟲吟病起
聲載懷今昔感老愧鄭康成

題魏少府破屏風

依倚忘年歲中傷
黃雨客乍通宵
案燭不掩午堂鐘
射雀猶存影彈繩已
失踪勿言新可代
官冷若爲供

十三夜譙馬姬館

芳宴妖姬集紛如
竊月來回身迎
夜燭連手還春杯
緩舞盤中柳新妝
屋

裏梅停絃將送態猶畏上聲催

戲贈楊二病起

聞卿春病起閉閣懺醫王小愈雖憐妾長慙不怨郎絃疑新製曲衣識舊薰香旦夕猶宜慎空牀夢亦防

長千里看迎臘月春

東郊南陌動遊塵路入長千百戲新玄籥已吹開歲律青旂將引隔年春林藏殘雪先銷柳河帶流漸欲上蘋初勝風光常勝地今朝都占看來人正月十五日同盛太古集雨花臺

郭外香臺勝日登天花曾現六朝僧宜春猶載屠蘇酒不夜先觀太乙燈柳上輕烟吹作雨梅前殘雪積成冰舊遊更向新年感草色青青似杜陵和陳伯孺西湖十咏二首

偶向武林遊曾于天竺住明日欲離山晴霞故變雨夜半高峰望微茫海日光下方未覺曉應是蔽扶桑

荔子曲

白玉明肌裹絳囊中含仙露壓瑤漿城南多少青絲篋載取王公十八娘

送華將軍歸隱

南越東吳有戰功，閒心無那逐冥鴻。只言歸臥青山好，何處青山非世中。

西湖春日戲贈潘景升

武林門外正春華，十里空湖帶淺沙。夾岸樓臺千佛地，隔城簫鼓萬人家。

初聞倭警有感

東夷海外捲風烟，回首扶桑欲覆船。白羽插書傳幕府，黃金刻印拜樓船。

朝廷欲問來王日，父老曾經入寇年。辛苦折衝胡少保，永陵一詔至今憐。

豫章朱帝斯宗侯，逸興雨中宴別屠。太初之南海羅敬叔之武昌。

李林宗之白下孫泰符之劬江歐陽于奇之毘陵于道廣陵

滿堂遊子歎飄蓬，無數離情細雨中。飛燕西園因卜夜，挂帆南浦待分風。

豈知江海經年別，不見關山去路同。他日相思非一水，尺書何處寄春鴻。

送李臨淮上公出鎮金陵

節旄南建歲將闌，雪落津亭曉未乾。百戰山河重作鎮，三朝劔履獨登壇。

營開江障鶩聲早，路出邊城馬色寒。天與宗臣尋不細，金陵千古舊長安。

雨夜觀妓同俞羨長梅子馬陸長康賦

美人兩館夜相迎
燭下微聞笑語聲
纖月不來眉上照
濃雲偏着鬢邊行
生憎灑砌沾羅襪
翻喜臨窓趁玉笙
非霧非烟勞想像
無如密坐看分明

七夕詠王美人百花画衣

七夕画衣裁一花
一色開當筵前酒濕爭道渡河來

真州侯師之席上看梅花

此是還家路如何
不見家却從他席上含淚看梅花

和潁州張進士飛花曲

玉顏昨日一花開
今日飄零野水隈
縱使春風解相惜
何因吹上故枝來

金陵竹枝詞二首

御前隊子小梨園
長奉千秋萬歲歡
一自武宗巡幸後
可憐跳與外人看
舊院後門春草新
前門又聽叫官身
盛姬已嫁徐娘老
歌舞行中有幾人

范太學洵

洵字東生易程人
祭酒應期之弟之子也
祭酒臺舉跌宕與顧益卿王承父悲歌忼慨爲意氣之交
失勢家居不爲鄉里權豪所容
歿後人爭蹈籍

其家東生起孤生嶽嶽不爲人下數困長吏盡破其家徙居吳門鑿池種竹攻苦讀書沈酣唐人之詩諷詠其清詞麗句苦吟精思寢食盡廢引洞庭吳凝父爲同調務盡刊甘醴肥厚獻酬備催之詞視餘子茂如也家貧落魄出游八閩滇南搜別名勝往往垂橐而歸蕭屑之弄操觚誤持國論者多出蒼雪間東生好樹頰頰與之相抵牾一時詞客不爲東生許可者希合貴人風旨辟噪東生東生以此重困憤懣不得志輯全唐詩千餘卷臆手瑣足迄無寧夕咯血數升以卒年四十有四歿父手定其詩四卷而爲之序曰方其苦吟時收視反聽馳情結思不傍古不緣今不拘律不適軀目斷目就歲以琢之迂回而涵特窈窕而奇幻一字未安寸心幾嘔自簡練以至純粹若繡錦未組不異恒絲及絛紉之具針巧之飾文章炫然然後印爲神于法者也自王李之派盛行海內幾于糜爛相去四十年而龍始起聞非熊起新安允兆起荅東生凝父起吳希風抗志在大曆元和之間清新安雅彬彬相命進而之古有其端矣鍾譔編起鬼怪公行滔滔江河流而不返識者有深恫焉余列諸賢之詩都爲一集使後之觀者有百年世事之悲不獨論詩而已也

送顧生仲默

日日好携手我閒君亦閒
使晨出郭門月落猶未還
云胡帆改途不事

塵間

送丁長孺禮部

夙昔忤時宰初衣投故園
孤立逾一紀不求他人援
仕路日清夷除書下丘樊
時維冬春交整此北上轅
臨行將何贈憤激成片言
天潢無別派滄亂由楚蕪
九重聽謠高物謫徒喧喧
厥事君所司疎身爲平反

洗叔樓歌

結樓黃山曲不礙黃山雲
山雲吹作雨漠漠復紛紛
紛紛漠漠春何有洗出梨花
隔垂柳花開花落郎未歸
樓上美人相憶否

送張孟孺

明時尚文不尚武屈膝低眉
誰比數祖宗汗馬無乃勞
今日橫金視猶土將軍素多
林下風探觚觚與荷戟同名
高翻遺身難避幕府喧傳辟
書至欲甘小草多苦辛白雲
堪臥其如貧生憎朋舊問出
處此意悠悠難告人舟次平
望懷王子紆

微茫烟水闊不辨故人家湖上晚風急滿天吹雪花弄帆移遠樹夕鳥啄
平沙獨酌誰爲慰隣舟鼓自撾

訪趙凡夫廬居

無路覓君去亂峰雲若屯嵌空巢樹杪鑿石沿山根古帖從見揭新詩與
婦論閒門隣拱木蒼翠自朝昏

遣悶

空外響清砧秋風日以深已知貧次骨轉覺病關心薤草疏新逕扶藤上
故林自吁還日晒昨日散千金

清涼菴贈僧

芒鞋定遠近天路臨蒼蒼結字久未了種松新已長平池託空影斷壁飛
斜光欲問吾師法吾師法已忘

雨中訪吳允兆

寂寂故鄉路心知尚有人那知今是客猶憶昔時隣樹暝烟催夕花寒雨
殘春青山獨無恙宛對別來身

東鄧遠游

日日何所待，傍人應見情。油然碧草外，獨上姑蘇臺。西子遽已去，東風空自來。茸桃李樹爲問，幾枝開。

采川夜泊懷孫齊之

野宿次昆鷺，青荻簞齊潮痕隨。月落山勢壓城低，殘夢風前折。歸心曙後鷄，還知高隱處。只隔水東西。

齊

蕭蕭池上雨，雨收池更寒。從來通醉理，自此豁幽端。蟬飲方歇，鷓鴣鳴欲闌。寒裝轉溪路，晴涼少人看。

寄荅鄧明府

黃池路遠近，此別遂茫然。顏色既不接，音書空復傳。省耕春草外，退食晚花前。閒道無留事，閒情異往年。

臨安

舍筏終將久，墟烟極望平。餘花紅半委，初筍綠更生。水漫魚登市，山昏鳥入城。心心天目路，秣解向西行。

夜泊虎丘同劉元聲伯仲

翳然一片雨遠沐春山青舉棹興方屬引觴歌莫停林鐘去杳杳川火來
熒熒坐待月輪出僧寮猶未局

過武陵懷龍觀察

去指黔鄉近回瞻楚甸遙郡門臨白浪驛路疊青霄積雨寒初霽長烟濕
未消征鞍停不可無賴是今朝

平溪

停驂古城曲薄暮往來稀瀨響生官舍崖寒中客衣葉彫花簇簇雷迸雪
霏霏欲寄鄉園信黔南斷雁飛

貴筑憇趙孝廉別業

結宇數峰間泓渟一水灣谷風過午冷原樹入秋閒苔動頰鱗戲花搖翠
羽還誰知于役者彌日此開顏

訪葛震父

村村鷗鷺群寺寺冷斜曛渡口獨來客岩中重訪君鼓聲魚市接帆影稻
畦分看取前楹竹新枝礙白雲

望茅山殘雪

華陽望不極，縷縷晴煙生。斜日半山雪，照人巾鳥清。漸融仍合沓，近晦逾空明。強載筭輿去，搖搖入外情。

貽董六遐周

春來春去總無端，別院沉沉獨倚欄。風柳疎花仍怯晚，雨攔纖柳不勝寒。離情泣向絨中訴，怨色偷從鏡裏看。咫尺巫陽峰十二，片雲還往若爲難。

登縹緲峰

天近笳輿如踏空，翩翩巾鳥冷冷風。遠尋亂嶂出帆外，近數諸村懸鏡中。沙草微茫似楚澤，澗花淒冷非吳宮。湖西湖東盡堪望，兩地鄉心誰與同。

響屨廊

越艷迹如埽，年年燒痕綠。啼僧踏巖雲，枯葉聲相觸。

贈楊孝父

清時有隱者，自汲還自耘。翳然茅屋上，一片堯時雲。

遊弁山

一峰際蒼蒼，遐矚了無礙。湖色上人顏，崖陰落鳥背。

送彥平游嶺南

九月羅浮道無衣亦不寒奇峰三十二直作夏雪看
曉發

春水動微茫帆前卽異鄉雞聲殘月墮人語隔寒塘
平越道中

晴時十二三雨時十七八山鳥何預人連聲泥滑滑
秣陵送李茂才

一雨綠千里楚山如近人留君君掉首何處秣陵春
傷德生兄

昔時君好飲卮酒不停持今日墳前土徒然斟一卮
哭費元朗

書隨計首至半信半相猜莫謂無期別猶知有夢來
絕筆

愁來道不可流目今成昔向夕空館寒柝風撼撼

南唐宮詞四首

桃李花開點御溝翠華經月不曾游內庭鴟吻移鴟尾莫問君王十四州

女冠烏爪解方音識得蓬瀛路
淡深戲擲雪花鎔紫磨漢宮誰數
碎寒金半檐日影流采恩纔是
深宮夢覺時敕取燒槽彈法曲
聲聲訴恨來遲苑門深閉卻千
條銀箭聽殘夜寂寥刻漏下階
羞見影不知斜月并芭蕉

王蜀宮詞二首

匝匝渠穿宛轉橋綺樓香煖月
迢迢海南蜃市渾無異添得歌聲
匝九霄玉臉勾朱卸翠冠宜華
池上遶闌干醉妝邀取君王顧
一任東風料峭寒

孟蜀宮詞二首

池西別殿署凌波楊柳風微月
漸多珠箔捲來秋似水填詞惟
教飽娘歌猩紅梔子藝成林複
砌勾欄日映深隔院似聞催羯
鼓先開一朵是同心

南漢宮詞二首

珊瑚裁輦玉裝車夕醉明蟾曉
醉花南海雨邊天漫漫君臣無
夢到中華金猊香裊日靡靡玉
陛連朝奏事稀馴獸近前親射
殺血花吹污侍臣衣

閩宮詞二首

露華如水蘸官牆紅豈花兼荔
子香多少蛾眉閒待月九龍帳
底貯端郎四條絃上按新聲半
是先皇手教成舊事內人誰敢
洩春來燕子不呼名

吳越宮詞二首

春柳遙遙綠漸濃
秋花間色種芙蓉
苑中別有西湖水
一縷雲隨不睡龍
千門斜月四窓星
山近簾衣分外青
侍女夜閒眠不穩
御床圓枕綴金鈴

板橋曲

板橋斷後無復春
蒲荒柳禿波粼粼
依稀一片昔時月
來照舊橋不照人
滇中詞三首

秀海海邊葭莢秋
滇池池上雲悠悠
人心恰似此中水
一道南流一北流
鴛鴦浦綠水如苔
鏡裏人家向背開
五月癡僮剗雪去
三冬癡女擔花來
迤西之西天一涯
四時長有三春花
青帘颺處客沽酒
五歲女郎能數肥
送一公還天界寺

江流汨汨樹層層
短笠空瓢去秣陵
依舊青山風雪裏
羣門深掩一龕燈
寄吳凝甫兼簡訥公

天遠湖南漁火稀
隔林鐘磬度微微
不知此夕幽人興
月出僧房歸未歸
荆溪

亂水聲中繫艇斜
月寒沽酒扣誰家
仙源咫尺不知處
紅葉吹來如落花

松陵舟中遲錢受之太史

幾家閒夜停機杼支枕連窗風許許吹盡蘋香不見人繞塘寒月鴛鴦語
柳上啣吳疑父

休乳葉脫風悽悽遠峰森立寒雲齊滿船離思半江月未到五更雞亂啼
送僧

采香徑上黃鳥啼藤梢掠雲笈迸泥來時卽是去時路師向此中應不迷
算春間居和蓋卿姪

舍南舍北雨聲催款款閒鷗逐隊來欲買魚蝦喚江艇揀花臨水並門開
寄邵隱之

與君握手未經時一水空懸別後思心事落落誰共語自持椒酒醉要離
送茅薦卿水部使還留都

晉溪春水接長干五日郵程去不難閒寢但留諸弟在雙魚客易報平安
春日訊吳允兆

遠樹微波斷不分闌闌城畔寄孤雲春來儘有還鄉夢除却青山便是君
夜泊梁溪

檣上烏啼月滿灘月和殘雪耐人看半爐蘇盡沉香火消受殘燈一夜寒
泊燕子磯

山影沉沉日乍紅峭帆人怯剪江風鷗鳬占我曾題石一半崙崙曉浪中
寄阮堅之司理二首

訟庭寂寂散春烟碧海丹山在目前市得鰕姑堪佐酒摘來荔子不論錢
別時江草冷蕭蕭再見春光上柳條萬一故人生遠夢也應先過伯通橋
仲冬

仲冬之交氣不齊桃花李花開滿溪行人認是二三月祇少黃鸝枝上啼
峴山晚歸

近嶂遠空同蔚藍画船不繫酒微酣疎疎燈影出烟際隱隱人聲在水南
贈王曰常

一月留君興未闌酒杯無限費春寒海棠欲卸辛夷盡取次看花到牡丹
西家

蛾眉不掃鬢雲斜含怨含情未破瓜背倚曲欄花一樹春光多少屬西家
遇俞獻父

與汝垂髫共里閭別來不省六年餘情知一見又成別猶勝逢人數寄書
送僧入廬山

霜天一袖影蕭蕭別路無多覺路遙他日有人來入社不妨行過虎谿橋
代茅止生悼亡姬三首

深閨烏鳴人到稀柳風吹綠上簾衣香魂化作綠霞縷時繞華陽洞口飛
獨夜寒侵半臂綾瑣窓花影隔眉眉依稀夢裏還尋夢纔到錢塘又秣陵
驚雛出教戶將四燕子營巢春已三看取西陵埋玉處不似松柏長宜男

遲吳凝父不至

故人宛何在坐永芳時別別時櫻桃花離離子堪擷顏雲忽成峰喧禽將
反舌觸緒恨多違絲縈焉可絕

重送戚不磷游登封

入門復出門平臙綠如砥春風吹柳花隨君日千里望望緱山雲心輕別
妻子

吳居士鼎芳

鼎芳字凝父吳人世居西洞庭爲詩蕭閒簡遠有出塵之致與范東生刻

意宗唐刊落凡近有披襟倡和集行世一時肥皮臙肉取青妃白之倫望
之人人自遠也嘗與東生乃于游茗溪泛碧浪潮入夾山洗往返二十日
風清月白苦吟流嘯僅得七言絕句一首其矜重自愛如此後難染從釋
氏法爲高僧以終詩別錄閣集中疑父與葛震甫稱詩于兩洞庭皆能
除俗調自堅眉目震甫晚自信不篤頗折入於鍾譚而疑父亭亭落落迥
然塵垢之外震甫自負才人以爲入佛人魔無所不可竟不免墮修羅藕
絲中疑父修聲聞辟支果雖復根器小劣後五百年終不落野狐外道也

竹枝詞四首

青山是處銷蛾眉日日湖邊有別離却怪烟波三萬頃扁舟只許載西施
江南一雪苦非常湖上空餘橘柚鄉萬樹千頭零落盡于今那得洞庭霜
湖船來往慣風波尾後黃旗飛虎圖一夜王程三百里批把明日進國都
南溪有客寄書還夫婿黃柑已趁錢幾日不來湖上棹休教重上贛州船

虞美人

營門颯颯驚風雨一片楚歌中夜起拔山力盡霸業空八千子弟淮河水
腰間寶劍無精光神龍變作魑魅語美人宛轉其奈何啼痕盡染征袍紫

請從劍下化香魂花枝肯傍秋風主妾心不作青山雲妾身甘作青山土
君王若肯報妾身重向江東整師旅

閨中曲

客歸青海頭報道單于死曉起望征人新妝從此理

怨詩

華屋春將盡紗窓日易昏不知多少恨相見與君言

柳枝詞

綠陰如雨萬條斜啼罷朝霞又晚鴉盡日春風無別意只吹花點過西家

春游曲

雨餘芳艸綠新齊亭樹無人繡幙低忽漫好風傳笑語流鶯飛過杏花西

青谿小姑曲

十五盈盈學解愁珠簾不捲倚篴篥多情明月無情水夜夜青溪映酒樓

雙燕離

雙燕飛飛不隻棲銜春歸柳巷弄水出花溪驚風起雙燕離一雄復一雌
一東復一西含啼悲宛轉顧影復差池青天一萬里遙繫長相思宮瓦

桂嶺不可度雲耕日昇迷烟霧秋去春來如可逢寧辭萬水千山路

三婦豔

大婦理膏沐中婦啟房櫳小婦獨無事但問落花風丈人且安臥東窗日未紅

廢數歎

廢墓叢荆榛下有妖狐穴哀魂泣杜鵑化作楓林血顙波聲斷夕陽空傷心莫向英雄說恩亦不堪酬報亦不堪雪神仙寂滅天地古世故茫茫幾銷歇吳王臺上望胥江依然冷浸清秋月

唐嘉會妻

鳳皇失其侶三年徧彷徨豈無雲中鶴矯矯非所當所居谷水西乃在潏水陽楊氏有好女小字曰雲芳年甫十一歲許聘唐家郎庭前植嘉樹庭後植垂楊辛夷爲屋柱玳瑁爲屋梁木蘭爲橫櫺文桂爲直闌堂上珊瑚枝室中五木香朝日照清池游戲雙鸞鶯鶯鳴南北牖花發東西廂頭上何所飾鬱金爲鳳凰腰間何所佩鳴玉雙琅玕上體紫羅襦下體細綺裳手中著約指耳後垂明璫輕盈展素足秀色倚娥揚言辭若蘭惠動靜隨

安詳年年藏閣中隣里不一見少小違姆訓十三能織絹十五理中厨十七通經傳十九議婚約婉孌人所美天道信倚伏人事不可限吉日在須臾女壻忽染忠儼儼幾何時一夕朝露變所聞朝露變慟絕不復甦舉家盡惶怖事至奈何冷水洒其面心臆生微溫久久魂歸來氣結聊復言寡乃妾不幸慶門罹禍端願畢所從志爾輩煩喧脫我紫羅襦細綺不復顧鳳凰鬱金釵琅玕鳴玉佩紛紛非所有寂寂委諸地明璫與約指此類永相棄矢志同暇日終天有如此膏沐不再施破服但縞素青絲紅綠絲兼緒付女弟父母心則善內戚生異議堯居歲餘媒氏來相聞村南有貴宅美好令郎君雲從多僕御具足稱田園郎君年二十讀書他經文門戶實相當便可結婚姻雲芳聽此語掩面生號泣無端具蕙錦無故蠲止棘我心磨不磷我心卷匪席但得從容死何乃相逼迫從此絕勺水六日不一入阿母見憐女哽咽慰相及彼徒曉曉耳幸毋傷弱質吾已蛟拒之還可就飲食願畢爾所志勿爲久邑邑于中事不成腹言誤彼宅此女如花好此女如玉立知書服大義意向多卓識爲服盡三年庶可成家室冀冀三年來元元如一日媒氏復登門良吉當及時爲合二姓好厥勳求

結縞諸姑與伯姊宛轉勸言辭門戶有如此胡乃大迷離先許得書生後
許得富兒榮悴若霄壤安用多狐疑可惜桃夭年春風徒自持可惜合歡
帳寂寞守空閨前路一何邁爲事當三思今當就歡慶往事休煩悲飲泣
荅諸姑禮義全不知古道日已遠求俗日已褻婦人從一終金石亮不渝
乞親五畝田佐以流黃機布帛聊禦寒粗糲聊支飢長齋事空生永得相
皈依衆人徒囂囂安知心所私穢污及吾耳卽與世間辭九原如有會拚
此一賤軀握拳爪透肉嚼齒血流頓珠隕澤不滅蘭死香不衰本爲奇一
世反爲世所哀是時十九日月令在孟冬婚家執前約再遣媒相通血色
紅錦箋一一共銀封綵盒多喜氣玉茗生春風旋行納采禮乃在季月中
雲芳忽心動耳目如有營案上見彼物問自來何從衆中無以對亮得知
此表名箋裂萬縷擗地捶心胸天地非不廣一身胡不容孤魂去杳杳我
命旦夕終悲風起西北白日何冥濛林鳥聲啞啞山鬼啼墻東倏忽過七
口已是良辰期上堂拜父母女魂有所歸女魂有所歸父母願勿思夜來
有所夢吾祖髮髦俱在世知不久將欲遊冥冥生小養嬌癡不知父母恩
旦夕領清誨何以報寸心傷念垂暮景永別誰相存回言囑幼弟甚勿墮

家聲高堂逼西日定省愼晨昏出外就師訓詩書須討論阿妹已長大女
紅當自勤向人作威儀和顏來六親生別豈不苦死別不復生父母與弟
妹慰言各慇懃志意但由汝安用懷此心壻墓亦不遠相去廿里程奈爾
纖纖步不堪道上行此實區區懷弟恐不容情願得死一處猶勝存一身
左右聞此語戚戚皆涕零明旦啟房櫳綺窗自梳洗飲則還舉杯食則還
舉筋楚楚美容儀盈盈好舉止哭泣不復爲向人作言語一家内外人無
不生歡喜今日心已回固知近好事晻晻日西下沉沉結昏霧承顏算食
畢華燈閣中啟獨自鏡臺前晚妝還爲理急使侍兒寢並不由汝意縞衣
穿上身素裳備下体頭上著荆釵足下具麻履可憐金跳脫可惜金約指
一一留篋中物物不隨已素琴徒自張明鏡亦爲翳四顧無人聲空隙來
陰吹肌粟凜生寒不知此何際仰瞻帷之外復在牀之裏我死甘如飴今
宵得其所自挽絞作繩正梁堪作繫引頸入繩中夜半悠悠逝忽然聞嗥
聲闔家盡驚起顛仆奔老母倉卒呼侍婢秉燭上閣中慌忽不得視競力
向後床魂魄已飛揚一時扶掖下五體如冰僵顏面卽如是不黑不萎黃
安然得所歸貞志諒已償唐家因卜地乃是澱湖涯靈輜向曉發前路行

遲遲道傍千萬人。攏看生嗟咨流水。爲鳴咽去馬爲酸悲兩棺。合一塚所
葬亦所宜。風聞下旌詔。光彩生鄉閭。煌煌樹綽楔。巍巍建靈祠。青山爲環
抱。綠樹爲連枝。上有芙蓉花。並蒂開奇姿。下有鶯鶯鳥。交頸聲和諧。寄語
後來者。愛惜當自知。湖水有時竭。茲塚毋壞之。

靈峰山房夜起

寥寥青蓮宇。出步夜方永。蟬鳴四山秋。鹿飲一潭靜。圓月當碧空。孤塔立
無影。花落樹猶香。竹深澗亦冷。烟光散如水。明星上高嶺。

齋雨

細雨散清曉。坐深移午時。開簾東風入。香動梅花枝。獨酌亦成醉。不然無
所爲。

蒼松上人過訪不值

孤踪石上雲。飄忽本無住。門外卽青山。一瓢向何處。離心寄春草。柔艷欲
飛去。引領生白烟。花落祇陀樹。

寒食江上

春波綠澗澗。江南去江北。風生浦口花。蒲帆緩無力。燕子乍歸來。遊絲惱

寒食寒食客思家殘陽吊客色

柳浪溪

山青秋雨後人坐秋風裏平沙下鷗鷺款款動蘆葦夜半明月光漁舟弄
空水

釣魚灣

家住此灣中不出此灣裏長日坐魚磯開心澹無已白雲起前山悠悠亦
來此極首對斜陽綸竿久不理

歸湖上

西風吹簫笠無恙舊江天白鳥飛破水青山移近船晚晴楓葉外秋冷荻
花邊泊處堪遙指柴門生野烟

虎山菴荅蔣十

偶坐已夕照徘徊夜復深西岑見新月墮露開松林覺有幽人來隔窓動
微吟

嚴明甫園中

爲園剛一畝生事口云足日午聞雞聲炊烟起茅屋石色秀可食林香暖

盈掬相見無策眩惟言酒新漉

飯石峰晚步

白鳥不飛處雲光和水凝自吟松下路遙見寺中燈夕爽山無雨春寒潤
有水隔花相問訊月照荷鋤僧

前溪

野風迎白衲隨步已前溪落日在流水遠山青不齊花寒聊自彈鳥倦偶
然啼何處茶烟起漁舟繫竹西

松下

松根酒一瓶月下人兩箇月落酒瓶空自枕松根臥

宿江上

山色下空江江光動舴艋霜楓紅不盡已入暮秋景來雁忽有聲啼雲漸
無影醉臥蘆中花月高夢魂冷

秋懷

枕上聞擣衣月白秋繞屋東家紅淚妾淒淒滅餘燭閒階墮橡栗野鼠走
款款風吹斷夢來竟夕不能續衰髮伴寒砧霜花寫心曲

泊北固山下

夕陽江色遠，殘棹潮初退。
獨客吟清秋，沙鷗冷相對。
水氣上城根，風聲隱巖背。
漁舟載烟火，撐入菰菱內。

寺夜

林杪動蕭緘，橡葉走唐際。
柴門夜忘關，山風自開閉。
邑邑如有懷，迢迢轉無寐。
佛燈清可依，城柝冷相遞。
斜月苦近床，嚴霜白滿地。

月夜懷東生

雲光吹作水平在，湖中央遙看脊母樹。
葉脫山蒼蒼，美人但高臥，不知今夜長。

天台山中

白雲伴衾宿，開戶雲飛去。
出戶尋白雲，蒼厓濕苔屐。
峯頭異城僧，洞口先朝樹。
流水帶餘花，從來不知處。

送梁公

一瓶兼一鉢，離思自然輕。
野水迎風渡，空山帶雨行。
荒村過晚食，破衲任殘更。
莫以前途遠，經年住化城。

度嶺

林僧言別去自憩松下石紅泉臥空翠巢居吐霜笛夕光淡西水千頃成一碧冷信雁傳來秋客楓點出閒雲滿懷袖還我過山脊

過高峰庵

林迴眾路枉路枉亦自適光風不作寒吹烟半晴濕湘簾多異芳嶺月少行跡大吹空山雲山僧杖藜山

采香徑

柔風吹斷蘼蕪死歲歲春芳付流水西岩尤剩昔時雲斜陽照出行官址香魂去不還野鳥愁空山輕羅綉作苔花斑昔花斑空山冷夜深露泣西施井

一後登虎峰送張七

山雨飛纔歇山雲散已齊林香清一寺草綠過重溪氣暖梅初熟紅殘鳥不啼夕陽催客去湖口挂帆低

寄趙凡夫

十里寒山路香風正采茶僧隨樵客去一到隱君家細語生清月閒心託

片霞別來湖水闊秋色上菊花

飛樓曲戲東茅止生

飛樓宛轉芙蓉簇對列簪髻三十六東風著意渡江來染山蛾眉春水綠
頭何處得春先非霧非烟俱可憐紅芳雜沓錦茵軟塵香不上雙行蠟
燭娟花月曾無價只向嫦娥乞長夜夜長夜短那得分盡金自繞珊瑚雲
青絲玉壺正傾倒楊柳烏啼白門曉

清明日泥舟

似時欲雨蓓花天湖中冉冉生白烟波光夾岸綠無際買得扁舟春可憐
可憐最是清明節青青路處盈盈穠陌上漸歌桑渡頭仍弄楫燕燕正飛
來鶯鶯啼未歇幾樹啼鶯欲更啼幾家芳草綠初齊橋迴野渡還官渡路
接山溪又水溪山邊水邊春風起松花柳花飛不已春風搖蕩柳歌前花
香撩亂篷窓底棹聲空明濺酒衣中流客與漁忘歸西林落日東林暝隔
水漁燈映遠扉

泥石湖同篠園居士

放棹秋光遠殘陽湖水西樹頭漁戶小山截寺門低野渡一僧立汀花數

鳥啼且沽橋外酒同宿越來溪

尋王德操不遇

生公臺畔石秋月潮盈盈買棹獨乘興尋君不入城橋邊殘日下巷口孤
烟生爲說西湖去行裝似水清

寺夜看瓶菊

分取東籬色磁瓶晚更宜香生携伎處
冷著燈時夜久僧還對秋深蝶
不知若教歡賞地風露正凄其

寄陸明生

爲別每愁于子歸只寺居坪香風微草坂
絲雨粘蔬未足一春夢常無百
里書夕陽臨水久烟渚下春鋤

沈端伯陸仲飛携酒過碧雲菴

秋色前山好雙扉盡日開臥雲和侶寂
竹酒人來空響生黃葉清陰覆
碧苔城中同是月不及此遲回

西湖夜汎

疎雨洗空翠來看湖上山斷橋芳柳外小艇白鷗閒月在美人遠春忙流

水閒西陵猶喚酒燈影出花闌

汎西湖同清照彥叔觀公

新語報黃鸝拍花坐柳枝山晴意自好湖晚醉相宜風起水香處月來烟滅時同舟貪夜寂移傍白公堤

夜到漁家

漁家近秋水水上槿扉開地寂月初到溪寒潮不來村沽惟自杜野坐只青苔爲謀笑客好明朝未可回

金閨夜別費元朗

交從他處定路自故鄉分有夢難成夜無言可贈君一燈殘細雨孤檠向寒雲未曉林中葉蕭蕭已厭聞

雪中過彌勒寺

雪中尋寺遠先得一僧逢無數梅花裏亭亭出古松濕烟穿破壁野水寂寒春不待前山去風林報晚鐘

暮投上方寺

暝色投荒寺行盤翠幾層砌花分積雪橋月遶流水一宿同僧寂孤吟借

佛燈曉看山下路濕氣滿霜藤

西湖曉起

殘鐘湖上月杳杳落層岑曉色散爲水秋聲聚作林閒來曾不慣幽處每相尋叢桂南山下晴香一逕深

和靖祠前晚坐

山翠出林杪祠前芳杜洲孤烟生後瞑雙鳥去邊秋燈影參差水歌聲遠近舟梅花無復主曾有暗香浮

同遠士夜坐蘇堤

蠟熏兼茗椀清夜只夫君漁艇出無緒僧鐘遠不分次花臨水月先鳥近巖雲坐冷忘歸去荷衣半蘚文

小院

小院曾行處今來不忍行是花皆黯淡有月未分明轉覺非前事終憐負此生遙波春一片流恨復流情

懷東生臥病

引領限湖水別離常有餘始知三月病那得一行書已落床頭葉空懷池

上居扁舟相見日雙鬢欲何如

雨渡橫溼懷孫惟化

東風作冷石湖船節屆清明倍可憐一日客程偏遇雨幾家茅屋不生烟
野田水綠迷楊柳古廟花深出杜鵑寂寞橫塘人去後吳姬歌舞自年年

輓黃伯傳

清霜怨入百花洲衰草殘陽送白頭只尺有家歸不得一杯無土葬何由
飄零舊酒南湖月檢點來書下驛秋多謝添風江國燕相逢猶是話窮愁

古意貽董六遐周

逶迤香閣繞離魂新舊羅巾總淚痕
拔後菴苑心不死折來楊柳眼空存
青苔夜雨淹拋枕黃鳥春風伴掩門
五十絃中渾是怨腰肢禁得幾朝昏

柳陳父墓

古道盤迴何遠岑荒墳悽楚帶長林浮雲已斷還家夢衰草空餘住世心
海色隔城邀暮景江聲挾雨送秋陰青蓮後事何堪問幾處墳壇淚滿襟
寒食日登莫釐峯望縹緲峰弔陸纂甫

林中當百五屐齒泥晴光綴暝榆錢小紫春蕙帶香兩峰看迤邐片水漲

微茫節屆魂俱冷時移夢轉長土應平傲骨泉已涸吟腸有子荒新塚無
烟禁一鄉雨花滋舊鮮風葉沸新楊淚盡鶯啼處袞裳去夕陽

秋夜同朱十四懷令弟十六

秋色帶檐楹空山薜荔情爲歡翻憶別因弟轉憐兄雨葉晴猶濕霜階水
共明經年書一紙曾到石頭城

聞蕭聲

洞簫如縷到尊前明月高樓夜可憐何處一聲悽易斷千家花柳障晴烟

破山寺

巉岈隨石轉迤邐踏花行古壁龍蛇氣空岩風雨聲佛香清渡水鳥路白
過城絕頂遙觀海蒼茫曉霧生

寄李本寧

南楚文章伯西秦斧鉞臣名香堪殉死宦拙祇留貧酒態生長夜花情送
早春芙蓉空自采烟月隔江津

哭吳健父

寒日沉沉下遠邨空堂寂寂閉黃昏文章命薄誰知己山水情多卽故園

一經荒剎收病骨三更冷雨送愁魂傷心莫問王孫草幾日春風綠燒痕
林屋山石上遲謝去非不至

曾記林中別相期石上遊亂山空欲算殘葉已無秋岸白雲初斷江空月
自流行踪烟水闊何處問沙鷗

秋日聞蟬

蟬聲鳴咽處時序變衰中玉鏡妝初冷水絃調已空亂山瘦夕照疎柳怨
西風獨有悲秋客相憐寂寞同

王三丈輓詞伯穀

驚雷百里聲摩空江南日夕奔蛟龍濕雲墮地水波立兩山不辨青芙蓉
金闕城頭夜吹笛金閨城下王孫泣笛聲寥亮悽欲斷反恨當年一相識
何人彩筆能生花何人赤手握靈蛇金罍美酒浮琥珀與誰同醉黃公冢
有酒須澆墓上土有劍須挂墳前樹世情反覆那得知桺花一夜飛新主
哀歌不盡薤露篇離絃轉託箜篌語生平只合狹斜行紛紛安用栽桃李
鄧尉山空日暮時招魂惟有古松枝分明咫尺眼中路及至出門忘所之

宿虎跑寺

濕烟鬱結亂山橫
敲斷鐘聲火自明
野寺冰霜經晚歲
石林風雨坐殘更
十年一夢浮雲冷
四海孤身落葉輕
願得皈依清淨海
蓮花香裏證無生

人日雨中上方寺看梅

人日初開社香風拂寺門
梅花殊耐雨一日自成村
濕氣蒸初曉春聲散
玲瓏鐘磬僧出定留語坐黃昏

無題

綺疏微透曉光寒
欲貼鴉黃展鏡鸞
錯怪桃花似假面一番風雨便春殘

壬子元日

流光去無著倏焉歲云除
東風動獻敵朝日生蓬廬
栗書委空壁菽麥食
無餘卽事已如此前路復何如

寄情

殘山如黛月痕斜
子夜青鞵踏淺沙
十里紅橋東畔路
梅花多處是君家

梅下送客

花間啼鳥喚遊頻
花下離歌動早春
送客魂征袖雪飄殘
素艷馬蹄塵
蹀枝帶月牽幽夢
長蘂含烟悵別神
明日重過今日地
爲憐歧路獨醒人

燈下

野寺十年心無言坐燈下夜半風雨來蕭蕭打破瓦

蕉窗坐庭下送鄒爵五

殘點蕭疎雨新陰閉戶生美人來冉冉相聞綠盈盈似雪山空冷無風水
簾清離魂淒淒入夜葉葉起秋聲

夜宿三山寺望若上懷吳允兆

只此堪乘興秋風一放船天清皆在水樹冷不生烟靜後轉忘寐望窮殊
可憐書來同所願池內有青蓮

月夜

昨夜因看月清光動旅思今宵宜早睡莫待月明時

寄懷王元直

月照蘋花冷秦淮蕩酒船還家同一日爲別易三年梅村含青雨江鴻帶
白煙西風又飄泊衰草自生憐

紀興

道人贏得半生閒枕上清泉座上山猶有半生閒不得安穩影裏扣禪關

柴門

柴門涼氣入風動白綸巾秋色孤雲外斜光映水濱
貧惟甘薄命病亦任閒身累月尊中禁還來載酒人

虎丘僧房尋郭聖僕乘月登山

長堤沿短棹轉入翠微灣酒伴秋相集僧房夜不關
布袍先受月竹杖早過山何處歌聲起悠悠林木間

空竺

空竺原寂寂落葉更蕭蕭片月閒相照牀頭挂一瓢

沈布衣野

野字從先吳人爲人孤癖寡合不能治生僦廡吳市
傍教授里中下簾賣藥雖甚飢寒人不可得而衣食之也
而能始見其詩激賞之延致石倉園題其所居之室曰
吳客軒好飲每夜半大呼索酒矜重其詩徘徊吟賞自
能始徐興公兄弟外不輕示一人能始常嘲之曰半夜
號咷常索酒一生粗糲自園詩亦可想其風致也有臥
雪閉戶燃枝榕城諸集王伯穀徐惟和及能始爲叙

子夜歌

門有車馬客姊妹易衣裳儂有好顏色那在紅粉粧

寄書曲

行人促家信把筆倚前軒書札經姑手閒情不敢言

永蓮曲

解道芙蓉勝妾容故來江上采芙蓉檀郎何事偏無賴不看芙蓉却看儂

懷王澄伯臥病

落紅寒食漸紛紛強自携尊對夕曛春到馬卿偏臥病徑開羊仲正離群
林風幾處邀歌扇花雨千家撲舞裙何事與君俱伏枕鶯聲喚友不堪聞

春日小齋

社日方過花正肥閑庭亦自長苔衣柴扉暫啟元無事恐有梁間燕子歸

汪長文張成叔北上便道見訪

烏皮几淨映莓苔臥病柴扉盡不開庭樹葉齊花盡落屋梁應動燕初回
黃金散後青山在三徑荒時二仲來借問一尊留茂苑何如竝馬向燕臺

邊詞

塞上風高獵馬稀
天山六月雪花飛
聞人不解征人苦
直到隆冬始寄衣

秋日田家

爲愛田家樂
看禾不到野
頻不開人共
棄自覺此堪親
算雨溪魚長
秋風樹果新
主人村醪好
長嘯倒綸巾

寄陳履吉

故人聞海結茅堂
海上相思更渺茫
地氣未春先見草
山風迎臘不飛霜
林深採藥窺猿嘯
田熟開書覺稻香
我欲移家同避世
可能白髮老滄浪

斜塘招星甫

新芋肥雞菊正黃
君來定擬醉千觴
田家村巷都相似
須識門前兩綠楊

冬日田家

臘月江村霜雪凝
蓬蒿零落繞垂藤
床頭濁酒迎寒盡
屋後高丘候日登
古岸人喧看野燒
小橋船發打河水
少年結束將何事
共向東臯賭放鷹

寒食

驚心芳草上河橋
雨後推窓見柳條
厨下從來煙火少
不知寒食是今朝

短歌行

推絃拂柱歌我浩曲浩曲未歌腸中躑躑青青前溪可鑑光儀他心自喜
我心自悲河中有船不載客還尊中有酒不令客歡栖栖何者歸以爲期
絺衣生虱鞋襪多泥世人結交安得常好他鄉寄食安得常飽主人良賢
客興感歎報恩雖易受恩實難野雞喔喔夜長不曉披衣庭除月沒樹杪
士貧者賤客久者貧不如歸去可以葆真

秋口寄豫誠

芙蓉漸搖落之子曠佳期日暮孤鴻度天寒促織悲黃粮舂北舍紅藥繞
東籬正是登高候無由共酒卮

團扇郎

皎皎合歡扇郎持贈所歡本欲圖親近翻掩桃花顏

古詩

東家善枕席西家供織作東家喜月上西家憂日落日月同在天憂喜一
何殊借問東家女妾有何不如

東李茂才

風雨朝來罷灌園東籬散髮望郊原林深如在青山裡忘却君家住對門

寄顧世叔

彈鋏無魚歸未期他鄉風雨倍淒其那堪枕上雞聲起絕似樓頭話別時

贈殷山人

鹿門高臥寂無嘩戶外青山郭外斜婦解綉花君解画玉窓閒坐聞新茶

贈吳少君

一瓢將一杖隨地掩柴扉課僕磨長劍教兒製短衣詩留閑寺遍夢入故鄉稀邂逅還成別天寒何處歸

葛理問一龍

一龍字震甫吳之洞庭人山中多富室習爲行賈而震甫以讀書好古盡破其產入貲爲郎與得一命以慰其母久次選人困于無資地不能自出吳橋范質公典選識其名異而問之曰得非吳下詩人葛震甫人呼爲葛髯者耶召之及堦奮髯聲咤質公目而笑曰是矣乃得就選除雲南布政司理問及之官詳視緩步盤辟爲禮頌上官皆目笑之居無何謝病歸卒于崇禎庚辰年七十有四正嘉之際洞庭蔡九達爲清綺之詞頗自異於文祝諸賢以爲獨絕震甫聞而說之刊落剪刻欲追配之于百年之上已

而年漸長筆漸放楚人譚友夏之流相與尊奉之浸淫徵逐時時降爲楚詞人謂震甫之昧於楚猶昌穀之移於秦可爲一喟也余錄震甫詩力爲臆說後除其晚年之變調而震甫之本來面目宛然故在不獨爲震甫解嘲亦使吳之後賢知所以自樹云耳

西湖

黛寫殘山帶郭遙鏡浮新水不通潮堤邊繚馬客投寺花裡唱歌船過橋紅粉年年化香土春風處處長蘭苕湖心亭子湖心月醉與何人度此宵

九日送客之湘潭

吹帽風初起那堪吹別離纔臨放鵲處已是聽猿時楚服裁鴈短湘山望轉疑歸期指籬落莫比菊花遲

桃花源

一澗入蒼烟千花繞澗邊花開與花落流水送流年

潯溪對雨

市斷溪聲遠橋迴野色荒吹來數點雨相送一孤航漲綠平官渡烟黃拂女桑隔花僧共語東去是錢塘

然諾行

古人之交交以心一語不出然諾深今人之交交以面然諾雖深中易變
古人不可作今人難重陳與君相見但飲酒酒盡俱爲行路人

送實父弟婦使往嘉定因寄徐女麻葉仲和

風冷夜窗鳴離愁相對生海潮黃歇浦江岸石頭城窮遇悲孤調殘秋送
獨行舊懽傾倒日不減弟兄情

初晴過孔先生園居得泥字

一雨百憂集好山空杖藜偶從樵採去言訪石林棲屋角蜘蛛網簷牙燕
子泥留懽對新旭不道夕陽西

靈巖山下尋黃二丈不遇

開門見山如見君渡湖相問不相聞籬邊野水淡秋色屋上老烏啼夕照
鄰人爲說携家去更入青山最深處溪寒路狹難獨行短棹空維烏相樹

別曲

具區橋下水悠悠具區橋邊郎發舟郎舟好戴青山去免使蛾眉相對愁

曉行

日出已杲杲西月還相照農婦餉晨畊牛衣覆霜草

舟中九日

九日渡頭人迎風倚孤棹江空落日遠入夜生餘照無菊亦無侶開尊自
相勞紅葉點鷗波青烟出漁窻

野橋懷郭聖僕

白板斜飛曲岸通朱欄照見綠波中故人別處猶堪憶楊柳西邊道葉東
送范東生之滇南

相念亦已苦却於離處逢江聲撼獨性客路趣殘冬天盡山忽起瘴開雲
復重館人蠻語接計口給新春

湖上

幽侶過湖上持醪餉沙渚對面坐相悅綢繆以爲語垂楊圍若葢濃陰沃
如雨隔浦掉頭人扁舟亦來艤

寒園

玄冬決陰沍霜風摧灌莽寓目鮮幽翳一畝亦云廣日出茆簷間雲生泥
壁上偃仰足昕夕親朋息來往空林如有人互蒼斧冰響

喜聖僕至

爲約每無憑今宵喜得朋片雲波上宅殘雨夢中燈春冷花如病齋清客
當僧看山不待雲把臂入烟層

聖僕宿永福寺同賦空宇

蕭然何所有瓢笠與青童住可爲山長來先問石公梅遲若待客松嫩已
知風一宿東林社花龕對雨空

贈王德操

無口不惓然客來猶自眠會當修袂後詩在永和別花氣熏爲酒山光冷
壓船到門幽草遍一徑踏春烟

過金德父墓

相送心曾到言尋路不迷草齊封鼠起山跌浪痕低片石看人拜孤花奈
鳥啼夜長誰慰籍應有鹿門妻

湖中別聖僕

春湖一胡滿春蒲一胡短時鳥鳴嚶嚶新楊綠苑苑日半帆陰直風柔浪
花暖相對自生情將離復誰縮雙爐忽向背行行暮烟遠

過姚珮卿隱居

漸淺維舟遠山紆引路徐相尋恐不見相見喜何如積雪村村斷斜陽樹
樹疎門人供宿酒中饋炙枯魚歲事將歸客衰遲漸及予松聲動高閣風
葉亂殘書

夜泊長橋同斗一君熙作

虹梁亘一里半入溪花叢縣郭浮居繞江門照影空月寒春盡雪漁集夜
無風語謂同舟客前年過此中

徐日方水亭雨酌

結宇無烟際披紗柳浪間新鶯同客到微雨挈春還呼取隔籬酒看他何
處山重來須蕩槳荷葉已斑斑

送陳徵君歸四明

秋風戀但暑吹動水烟熱與子結新歡孤懷耿將別言從若耶去路指鏡
湖月散髮蕩扁舟荷花樽前折

澹如過別湖上

早來湖上棹莫是散秋暑呼酒斫霜醑樂此菰蒲渚
公言將遠離風吹白

別起今日與明朝相去五百里

秋陰

西爽忽自晦不知朝與昏井上半殘葉湖中無遠村
枯柳幾日罷農收相過存雲漫一如水野風吹到門

寄懷李九

思君夏之日日在東園東泉漱松根下石搖潭影中
腊茶來木客司果有徂公昨夜秋聲起帷褰栗葉風

寄雨公

以爾願初畢一瓢行脚寬那知出世法不及避人難
雲月千峰寺香花五戒壇微吟雖自好或得寄余看

松墩

梵石亂無次高高積寒翠一崔嵬應門每來松下睡

送恬公東渡

出山何草草曾對幾黃昏落日照行脚白雲空寺門
挂瓢半死樹乞食三家村只在太湖上水田吹浪痕

送納公之彭門兼寄寶南

暮葉滿風寺亂禽號空園獨持空鉢去何處乞朝昏野甸荒殘燒河堤積
痕痕仙然逢阿弟已是到彭門

鵲峰送萬二之泖上兼寄初倩明生舜五

特地一汀起宛然湖中央與君別於此對酒情如傷寒水照荒路夕風來
寺香平生二三友相憶在鱸鄉

可憎

出門卽是客況已渡湖還可惜藤蘿月看人臥寂寥水西龍潛石嶼上虎
山橋夢去渾無著秋聲集夜條

小除夕七里岡店宿

歲杪還行役投栖野店空牛衣夫婦對旅況主人同費歷危簷雪燈吹破
壁風一冬更漏接都在此宵中

丹陽作

江流河流決如矢曲防新築巖巖起雲連粉堞兩重城風嫋嫋楊三十里
小時行遠不知勞每向長安遇此橋衰髮還騎款段馬春泥滑滑雨飄飄

鍊藥洲與鄭君熙醉題石上

僊翁鍊藥處荒草沒爲洲一點水心綠客眠如白鷗今年太湖淺添却幾
弓闕只恐麻姑來愁與人烟接

觀蔣

計戶各成區開塍直到湖桔枰旋老特單食走童烏綠自歌邊起雨爲勞
者蘇穰穰從此日饑可一年無

陳志玄輓詞

相失知何地風吹滿面塵自騎黃北馬不見淮南春脫家百口累從死一
官貧積雪高新塚啼鳥感夕隣鴻泥留跡處鷄紫涉江人泉壤無朝日厭
厭得醉民

京村

曾聞東園公住此不復出年年開白花猶是漢時橘

毛公壇

此公得道處山骨何其清草木日與習毛羽自然生

鍊藥洲

前山綠片片飛出雲中花欲問仙人居仙人久移家

寄周公美

溪雲截屋簷啼晝溪漲浮花柳著綿門外小舟如意去清齋人起臥茶烟
初公病自越中歸寄訊

曲曲三溪路行行不可窮田方足秋水帆亦趁茗風病得歸來後閒生坐
臥中松陰空丈室結夏與誰同

溪南夜泊

秋晦舟中夜相看獨有燈隨綠聊寄宿寧道不如僧溪對橋雙影雲低水
一層疎疎風柳外蟲響亂漁泖

秋晚石湖作

豁然十數里一帆生雨西蘋花如欲語日暮不堪携漁戶偏新郭僧田帶
越溪依依爲別處橋畔柳陰低

雨夜舟中懷實父弟

風急雨聲亂颼來愁滿天不知飄泊處可有故鄉船歸路關前夢殘更枕
上年半生兄弟念多負看山眠

得潘昭度新蔡書答訊

故人宰一邑鳴琴事官守飛書致予問可繼床頭酒予亦問令君曾似春風否春風苦不聞吹花復吹柳

東凡夫

石作藩籬樹作隣家生春蘭與秋尊偶遺書法呼兒子未定詩篇前孺人嚴延甫之楚復留蔡淮數日乃別

雪裡看花花裡眠莫愁飛雪到新年愁人只有湘山路漫入寒蘆苦竹烟花朝胥江舟次與實父弟別

今日花生日如何不見花時禽關別意歌出柳風斜曉郭瞰相負春江綠是涯同來一宿處臨別指爲家

越來溪

草烟綠秦柳垂低橋對斜陽墮影西聽罷倚歌聽啼鳥吳船搖過越來溪兩過茂之新居俱值他出

近遠居新徙尋求路轉微詎知連一巷依舊掩雙扉傳語經旬出曾期昨日歸寒蟬在鄰樹聲帶夕陽飛

寄懷葉中秘時奉使出塞初還金陵

無數江南樹蕭蕭待綠吹春將歸信及星比使君遲夜火明高懸邊風裂
凍旗間關出塞意惟有雪鴻知

雨渡錢塘同公武

山氣鬱生雷斜風舵後催岸青秋雨足天白夜潮回飄泊同吾友艱辛一
酒杯錢塘君若問橋社里中來

舟夜有懷白石山寒山練川諸舊

積雨溪中黑秋天試一晴月來猶半照寒起近三更水勢憑魚立風聲撼
虎行夢輕江海關來往見潮生

清明

今日還留昨日寒一年春又客中拚太湖石畔柴門影魚嘔飛花上釣灘
臘八日懷聖僕

懷君八日語五見十年中險阻貧兼病西南北又東南鄉俗各健一粥真
遇同木末臨清曉應披看雪紅

八月十五盤龍寺

歷歷三年看月愁燕山楚水白門樓不知何處明年夜更憶盤龍寺裡秋
早過柳滕

微月隔雲照行將東曙拂細細雨光動弄弄與夢人青火不出地荒雞唱
纔一殘邑兩三家陰風哨枯骨

新豐曉行

土屋煖堪睡主人燈在門爰循疲馬路漸入遠雞村山撐乘霜氣溝深凍
月痕隔疆兵燹地一邑我家存

烟雨樓

烟雨樓頭春乍晴驚鷺湖上鳥嚶嚶中浮片席空三面斜抱千家截半城
漁網曬來風柳變酒船搖出浪花生夕陽慣照憑欄妓一抹遠山紅袖明
只從弟實父

白下樓中別東西一夜眠誰知臨別淚落盡是生前

史滄如携琴過訪

櫻桃花開山雨紅有客乘舟雲水東舟空祇餘三尺桐仙人氣骨林下風
姓名不署神相通別云訪我若不遇自彈一曲出門去

風夜宿塘橋

茫然山北水之東，忽露斜光下飲虹。
燒燭坐堪銷夜酒，望家如隔妒津風。
不禁是草傷心碧，何處無花薄命紅。
惻然一春多半過，每當風雨在舟中。

三月三十日

夕風朝雨送行塵，行未成行過一春。
綠酒散爲楊柳怨，紅顏銷得海棠嗔。
匆匆馬首還車隙，歷歷山前更水濱。
啼鳥數聲三疊唱，明年今日對何人。

送徐巢友還山

吾廬在空山，戶牖白雲滿。
有樹常謾謾，餘花亦纂纂。
城市不可居，晝夜一何短。
買藥挂驢背，行歌去人遠。
日落深澗中，洗足春泥暖。

今度生日贈之

燕子簷花黃鳥枝，鶯鶯溪水碧天絲。
連宵挈酒臨高閣，幾寺分燈看古碑。
草聖獨傳章帝法，画山偏妬漢官眉。
今年同喜逢新夏，添得春眠一月遲。

許茂勲烏相問

地幽霜肅氣珊珊，小閣高臨樹樹斑。
東顧不遺寒水渡，西來俱是夕陽山。
連雲送客當秋杪，片月爭題落酒間。
撤去四窗留半榻，儘教棲鶴看人閒。

王居士醇

醇字先民揚州人生而早慧讀書如夙識弱冠善辭賦陸無從李本寧交相引重意不屑也從季父遊長安日醉市樓挾妓走馬人求識面不可得會麻太將軍大閱將士先民輕裘快馬馳突演武場引弓破的矢矢相屬掣雙劍飛舞震忽如崩雪大將軍降階執手欲舉以冠一軍先民笑謝家本書生聊用遊戲耳父母命之室以羸病辭爲兩弟納室徧遊吳越佳山水參二楞雨法師受優婆塞戒歸廣陵之慈雲菴顏其焚修之室曰寶臨棲自知時至結跏趺坐諸僧環誦佛號而逝先民以萬曆末年訪余於虞山葛布白衲風神朗如也所與偕游者以開圖干謁聲跡穢雜忽忽別去先民歿後數年始讀其集深情孤詣秀句錯出知其人澄懷觀道超然有得益隱逸詩人之詩而非循聲問景追嗜逐好者也嘗自叙其詩曰客或詰余子之詩五變矣余曰非也不觀少而壯壯而老乎紅顏白晢是鮑背黃耆之萌也五變真宰司之非人也夫變取諸形骸也觀夫性靈千萬億變一而已矣余初入吳也訪上人吳凝甫居士媒夫詩居余以山偕誦蓮經皈依無上士是詩之益乎道也日參內典詩黜浮漫漸究性靈道之益

夫詩也道也詩也夫孰能二之折旋俯仰禮之標也金石絲竹之音樂之標也文字聲律詩之標也詩之本非面壁其孰參之讀華陽叟之白雲自娛遂於詩作白雲想想則山河大地無一而非雲也興居寤言無適非氛氲蒼莽也亦猶水觀童子焉詩雲矣何關世世人固欲訂雲哉處茲濁世毀猶食也誰能免食自娛心境一外無法斯際孰云詩孰云我又安斷乎人之善之不善之者與觀先民之自序而論其世當竟陵騰迴霧塞之日介然自信不欲與之同流尤可尚也而知之者鮮矣錄其詩爲三歎焉

餉饑

画餅餉饑人安能克其虛懸兩在半空弗肯及涸魚寧與悍兒處莫與懦夫居懦夫信不足悍兒義有餘

決絕辭

火滅不復然泉出不歸源君心旣已死捐袂向平川由來負心人頭上無青天

目珥有引

目珥悲時事也歲仲春五日日生交暈如連環左右生戟氣青赤色白虹

彌天占曰百殃之本衆亂之基且邇年疆內災異迭見兆固不止遼塞也
夫遼陽兵務流弊有年當事諸公信其滋蔓用取敗亡之禍致聖天子
宵旰靡寧興師罕捷財賦告匱民不堪命而綠林白馬之徒白晝揚旌江
海之上官兵莫敢誰何吁全盛之朝一至於此乎余藿食一丘杞憂何益
第恐不能安枕白雲遂擊壤之私耳昨聞新詔優恤北關餘裔西虜感恩
大化無外群醜尚敢奮螳臂乎共述短調十餘章觸事成監不覺其辭之
無序也錄五首

連環雙珥夾晴日左右生戟氣青亦豈惟兵甲生外夷百殃之本衆亂基
前月黃霾泰山側青龍吐火煙光黑去年御溝流血波天鼓滿空迴海壘
又看彗星掃空百餘丈徹夜光芒侵斗象遼東軍民半陷胡天復示變胡
爲乎

狼煙夜照大安戍胡兒夜縛將軍去駿馬馱金曉贖婦正陽門底捷書飛
清水照面不照背分旄使臣日似醉番兵時入如向家杯水詎救薪一車
幕府覃覃隱奸士受金洩出天朝事

鐵嶺將軍載輜重避胡入關妻子共先議和戎乏遠猷蠟書暗約殺杜劉

經畧潛謀玉帳底四帥北征撤回李窮荒深入絕援師六萬漢軍空戰死
於戲衆關那及鴉骨關六師魂返李生還不知廟堂邇何議代李者誰是
其弟

戈船健兒不習馬兵氣無能震屋瓦羽書調入白狼川去傷此日歸何年
南人膏血濺北虜餉金百萬消如土兵馬空多策未深封章徒乞內帑金
緋袍昔走金山寺拳石焉能著多駢蠻女新兵簇塞雲成功或在嬾子軍
牛毛寨頭屯虜營朝鮮請援詣漢京已喪義軍荒磧裏難保鴨綠一泓水
危今因我危死昔因我死將赫斯怒安遠邦當爲犄角守鎮江君不見金
台什前車覆事到噬臍將安咎

畢仲明侍御邀集西清館聽文兒詞

平波削玉天倒明綠綃輕縹涼颼生芙蓉千尺迴繡楹一枝含艷忽有聲
圓珠瀝瀝溜盤走不斷柔烟醉春柳點點鳴泉滴暗冰微啼征嬾背紅燈
林間輕籟時能止斑竹鸞絃幾迴死蠟花半剪夜色遙沉復霞疑酒暈嬌
欲邀眼笑心先蕩得近衣香魂已銷此際心魂餘幾許不如離却寒塘渚
且向花龕餓有情高樓睡掩秋山雨

題馬姬湘蘭所画蘭竹卷

寒映秋芳數枝玉冰綃宛是湘江曲能使湘靈惜別魂瑤瑟冷冷怨秋綠
霓裳奔月留難住錦衾紅燭生愁緒墨花化作秦淮雲猶向粧樓日來去

桃花阡

南阡挑花花叢叢花枝曉動陰濛濛溪西碎錦飄溪東綠波不綠紅映紅
天擲綵雲墮花下一杯香泥封艷冶子規愁春哭春野血和情淚胭脂瀉
前春醉花金屈卮桃花羞殺葳蕤枝金鏡永絕明月姿花阡無主醉者誰
何須亂眼花如許遍覓芳魂無處所陰風拂林狐狸語傷心啼去桃花雨
夜同曹野臣宿西清館

夕烟如雨渝山脚烟際園林隔層幕遙燈一點透微紅正月花枝閃螢燭
路窮石子橫塘角小門輕響進魚鑰紙幃絮被重重開新詩攬思眠難着
十載清顏夢中索此宵是夢翻愁覺

吳門送劉元博遊楚

芹芽淺淺江渚深江南画船載楚心因君余夢瓜州渡期君水宿夢相遇
梁間敝筍江底魚三年意客見面疎寫與苦調伴千里峽夜啼猿疑在紙

早秋客舍憶故山

何處非如寄一山安足云秋來倚林閣日看度江雲客况層苔老疑心雜
憫聞遙知溪墅月坐少一人分

新秋夜坐

水煙涼獨夜坐惜幾家眠僧閣掩深際磬聲生悄然竹婦人意淨螢漾壁
光回鄉國方隣亂幽心忽易遷

過月公故廬

又向何處內防緣轉生珠自非趨寂滅人空見空無野日山房掩寒聲雨
葉枯苔依松栢處淚一燈孤

逢病軍人

迴望魂猶亂婦支病緩行道傍將掩骨塞外卽前生店主辭孤宿軍裝付
破城便令身戰死序緒不知名

無聞上人許留栢吳門不果送之還山復訂春期

若未曾期住雖離豈怨深定知孤寺語那入向山心窗燭思前影江寒念
晚陰成言不可倚況復望春林

憶

前期知已絕猶待碧江濱往事不可憶微思何足云人寧如舊燕心忽化
浮雲莫上花西閣簷間有夕照

病

筇影雖離戶無能落近隣多眠常廢畫如醉暗銷春面改翻疑鏡衣寬似
借人未從空際得莫歎有茲身

逢黃收之歸白遼難

戰後念彌甚誰如脫虜塵茲逢謂非汝翻問在傍人測變先群慮全生又
一身死恩丈夫事安肯逐降臣

促織

風露漸淒紫家家促織聲墻根童夜伏草際火低明入手馴難得惜場怒
不平秋高見餘勇一憶度遼兵

曉出田間

香稻欲辭野村家無整眠雞聲動高樹人影亂秋田殘火猶照屋清謁時
隔烟東溪舊業廢凝思在驢羈

松下

莫言斯坐易雖我亦來稀野色不相忌人顏安可依
鼠驚寒吹落樵束亂青歸根下沉眠者方知生世非

不出

將買雞西曲幾家梅樹邊泛父思可畏老骨望安眠
白業融詩性青山連世緣弄雲真不出第未定何年

客居

斯世盡浮客一城聊寄身飲須求似我炊自不因人
草色閉門老菰香離水新幾回松際月居此未知隣

一秋

一秋宛馳駟志士感何深隨事涉虛境與時銷烈心
行慙寢止水坐不耐疎林繁日方無策仍傷老病侵

殘漏

層層昨已閉丁丁何到茲最難潛醒際正在燭殘時
斜月不肯落遠風非與期東征幾家婦惜夢有餘思

城隅

城隅極秋日暝色又閒津無樹不歸鳥好山皆屬人游應似湖冷詩且送
愁新去上終非第男兒媿有身

見落葉

朝來見落葉因悔向林行飛鳥不無意何人非有生枝容昨夜月秋減一
村聲轉禁樵童入留茲長道情

山中廢宅見古槩

廢宅何遺此終年掩暗塵絃寂空抱響谷冷未逢人餘趣思纖指全身總
剩薪轉虞喘俗士沉沒任山春

道中懷周元修

正悲前度別茲別更何安黃葉水西路晚風驅背寒出常憐我獨聚反失
冬殘漸逼他人而天涯意所難

舟夜聞絡緯

漸傷空杆軸爲響亦徒然汝力雖無惜客衣曾未全殘燈孤舫思秋艸半
江烟獨不關心者篙師正倦眠

贈林羽仲

棄廢端無定年衰見屢難詩名半生過客舍幾移安少已深邊策貧聊就
幕官西風弱江郭猶有故人寒

悼皇上人

乍逢傷別交情在逢前肢弱易爲病心靈翻損年緣隨一念了詩到幾
鄉傳孤塔寒花外豈覺愁暝烟

廣陵感事懷張異度

江介烟霏入孤舟悔泊時違心不敢說別汝益相思世亂生爲誤身貧病
易欺憂如衣未浣何以寄將知

春林欲雨

長林氣忽暗本欲奪晴春愁動初芳色知先老病身閒居成短晷空閣倍
寒人礙我聽鷗山野醺香漫新

西村雪中寄程凝之

頻枉相尋屨能憐客未安不令笻影獨翻隔雪花寒無夢將驢續何憂比
序關近情難寄與君向出遊看

寄吳社二三詩僧

花壇偃梵畢拂石坐秋吟語到新方止思於靜始沉江烟寒入寺野吹名
疏林此際傷離急雲山落遠心

秋林閒坐寄山僧

秋暉蕩夕痕秋意到林根坐寔有深入靜猶多一言驪波忽似住落葉不
成喧野衲可知此空山應閉門

季遠贈衲衣

預關風雲念贈暖到巖阿獨匹成繁指千針捲密波受因身尚在曳稱寺
頻過額影俄臨水茲時祗髮多

遶野戰

笳聲先陣至心慄半無聞相視絕生色滿前皆死雲鋒繞沒餘響鬼誤是
殘軍蔡草推元帥能無悔所云

秋水開士婦自南海

春洋熾似夢未見奈思何險向聞方半憂非到始多薄衫寒遠雨旅色帶
餘波莫叩南詢意靈山肯沒過

寒夜宿程彦中山房

計時方一見一語一情生孤墅遂成趣寒山非獨清衆烟沉夜色空雨定人聲眠憶未眠處夢中携手行

昔園

傷心履跡斷固在主人池水將憎影山花嬾倩春孤情難語衆舊客反成新悵此維鳩意聊支衰暮身

慰林羽仲

幾日搖鄉思孤燈夢海涯久離驚得信垂老哭無家暗恨煩支骨餘心冷到花黃昏隣寺樹未敢聽慈鴉

微月照疎雨

月痕雲半罩窺雨在簷端疎影成絲辨微光裝濕看斜明風乍側分映露初溥滅燭山樓夜幽生幾曲欄

雨集高君佐園亭同鄧林宗張卿子

妬花無可飛晴不驗斜暉新水拓魚界亂煙層竹衣病多如醉少情密幾逢稀語及貧交外難窺人意非

湖園訪王修微

栖寂將疎客猶令秀句傳見能深道想交或在詩緣湖水別成態山花休
浪妍淨心何所臨鏡綠窗前

延季居士種花詩

誰能了空意因示數枝春色但隨根現花聊過眼新蘂香栽刺遍界綠委
果勾豈必來遊者方爲借玩人

豐谿逢王靈運話舊

自說握中鏡日禁繁恨加顏年且屢棄昔境已水花哭子數回病隔村幾
里家驛栖今不遠步出巷門斜

秋夜次恬齋中坐雨

群岫掩朝翠預知風雨生雖訪尋寺約稍減應人行嬾竹沉秋態遙春
夕聲冷烟飛入戶爲戒客衣輕

過吳幼時別業

嵐裡人家滿遠栖人外閒與君坐芳草隨意望南山花氣微風際魚苗新
水間蒼苔見虎蹟未及夕陽還

花谿春興

春香烟嶼西掩閣臥花谿春不邀愁去駕來機夢啼他鄉三月病新綠幾
枝齊獨藥茹檐下空林日又低

荅王亦房病中見送北歸

遠別惜多病一帆停浦沙翻令倍舍戚不減昔離家江路積梅雨客衣生
鮮花後期淮水曲莫使怨蒹葭

秋夜酒家所思

堤館能留醉當爐艷似花秋槽分滴酒夜火映撈蝦風寂山猶靜江清月
自華所思隔煙水離恨起蒹葭

冬日客中送章結父

一日幾相見歲闌翻遠離莫將歸客意說向旅人知獨雁追寒陣枯桑語
凍枝板橋春水綠憶照竝行時

虎丘山後訪張叔維

磴杪見山盡入迷煙構重非尋獨栖客不度一層峰春望屬閒野幽心宜
遠鐘還期投宿夜月出寺門松

送仰之上人之廣陵

春寒衲一層片笠挂青藤相別每憐客不歸何異僧津邊投夕雨波淺暈
舟燈欲倩傳雙淚柴門到未曾

贈茅遠士

層閣澹陽景落花深晏眠起乘沙淑舸或蕩寺門煙續醉夜歸後遣愁春
夢先時摹玉板帖買繭作冰箋

訪屠瑞之

園桑藹霽暉戴勝貼枝飛隔水客來少到門人語稀趁船時一出中酒昨
方歸欲見獨栖意短簷橫翠微

蘆

昨夜邊鴻栖幾行練花十里截迴塘西風橫水自秋色明月照汀分冷光
遙送繁聲滿江店時吹亂雪在漁航南兵正戍遼河畔捲葉愁聽虜曲長
哭黃元幹墓

下馬涼風吹墓村昔離誰謂隔重原轉因宿草淚猶下誰種寒松陰漸繁
長夜何年歸遺骨深山片月主遊魂可憐香閣啼紅妾銷盡桃花滿鏡痕

集嚴道澈雲松集

園徑蒼蒼煙藹間
畫欄人度板橋灣
簾衣香冒春殘絮
屋角青飛雨後山
松吹暗搖琴曲冷
池波深照客心閒
銜杯不使疎櫺閉
巢濕紅泥乳燕還
文文起掩關藪圃却寄

短牆傍市鎖煙荒
孤客凝思卷面閒
飛夢不曾離一郭
傳書翻似隔重山
世塵惱眼聊思淨
花事關心恐未閒
小簾疎窗留醉後
幾處清月照池灣
開元寺送朗道人視髮廬山

芳草萋迷閉曲房
竹牀芸帙一燈光
常悲逝水因除髮
偶看浮雲遂別鄉
煙月待吟開遠岫
江妃聞梵禮孤航
淨心好過東林寺
尋向蓮花印舊香
寄李達生太守守巨津

寺居答陸無從先生六韻
作發遙在碧煙叢
浪說車閒已面熊
官舍轉離孤郡遠
家書常隔一年通
醬分簾葉香消燼
布納桐花軟貼風
鄉思偶停時出郭
閒看調象亂山中

還鄉亦是客
栖寺宛如僧
麥飯邀孤磬
花龕燄一燈
夜寒分白種
月好借青藤
病起惟嫌雨
心清似結冰
所思窮巷隔
相望亂愁凝
幾日東林下
秋

風落葉層

曹山人臣

臣宇野臣欽人崇禎戊寅余識之於長安角巾布袍落落有逸氣知余有書癖數爲余訪求古書後歿于白下野臣詩冥搜苦索不由康莊轉入僻徑自定其集曰鬼訂以爲非時人所知也哭友二章哀怨悽惻善爲苦語

郝公琰墓下作

郝之壘今已矣憶君棄我已三年一棺裹骨黃泉裏我欲呼君君不起慘柏悲松聲聒耳幾草瘦草不成叢是我頻來淚澆死亡者不生生者必亡前後差期鬼路茫茫譬如作客指此爲鄉客倦歸來晚聚一堂君如有約君莫忘我謹待君蝴蝶床

哭閔子善

前年我作石城客送君渡江買浮宅去年我却歸山中聞君又踏石城石今年人從石城來曾說君軀病欲頽常想天涯瘦軀影誰知削影投蒿萊嗟乎嚙生一死無不可可憐老母家中俄面皮皺剝叠成文淚滴欲流兩邊過自從兒作浪遊子倚閒望殺廿年矣尚謂無夫更有兒有兒更向他

卿死母乎母乎悲莫帝四山崩裂風淒淒山崩風淒母不久誰當掩兒又掩母

王遺民鐙

鐙字叔聞金壇人恭簡公樵之諸孫也數踏省門不得舉閉門下鍵讀書尚志欲期古人於千載之上流俗無知之者中年薄遊荆湘又依其叔有三之長安國事日非東西交訐登臨吊古憂時歎世胸中塊壘發之於詩往往牢愁結轡不能盡其百一歸里益不自聊屏居郭外游于酒人日沈飲自放而已亂後每捫衣循髮以不卽死爲耻悲歌流涕有沈淵立稿之志一日從里人飲大醉病臥三日遂不起丙戌之十月也年已七十矣叔聞送人下第詩有一夕殘秋帶客還之句吾友于中甫見而激賞之命其不知叔聞丁亥冬過金壇得其詩於御君簪燈疾讀俯仰太息當吾世有叔聞而不能知且叔聞或知余而余不知叔聞余之陋則已甚矣然世之習叔聞而不能知讀其詩而不能識又心薄之者不少也昔人有言親見楊子雲祿位容貌不能動人又況以其爾雅之詞深婉之致進於攘道拾

濟東塗西抹者之前能不益然而笑乎然則叔聞生而不見知于人死而
吾黨思之爲之悵徨追賞亦未爲不遇也若夫叔聞之晚節又當與謝舉
羽鄭所南齊名于千載之後後之君子頌其詩論其世將有如吳立夫程
克勤者采而錄之余又淡之乎知叔聞矣

病餘存草自叙曰癸酉秋七月望日月中忽嘔血二升眩瞀仆地肢骸靡
渙獨此心炯然念身世無可戀唯平生吟咏是胸懷所寓而悉委墮不收
不能無念旣而不死從此自矢隻字不遺每有所得輒塞一小竹筒中匝
歲幾滿然皆在爛刺尾廢牘背又醒時所作非醉不書點畫欹傾歷久
之幾不自別雖曰不亡猶不存也去年八月向疾復作幸不至劇旬日便
瘠念幸不可以屢傲因倒筒出之淨寫一本幾及百首適被牽迫浪遊衡
湘携在笈中而是時流賊猖獗犯陵寢屠邑聚道路梗塞歸棹無期在
祈陽僧舍作詩云風波盜賊五千里況是衰穉近死身悔帶病餘詩一卷
不將淨本付同人蓋恐其與此身俱沒也嗚呼平生自暴棄不收拾者莫
過于余然每至疾病流離生死之際未嘗不拳拳焉固知翠毛象齒不惜
其身而惜其所惜有不知其所以然也因題笈中所携爲病餘存草上卷

而桑楚遊之作爲下卷倘得歸偃園林徜徉歲月或便增卷帙而移甲乙未可知也時崇禎乙亥八月朔日酒後書於衡陽客舍

貧賤別

東郊野水前雲白萬樹嘶蟬生暝色弟兄貧賤易飛分氣愴尊前辭不得更須賢酒送君行酒盡須還不計程細說江頭岐路錯共眠船底月華明人生三十行已矣榮稿存亡未堪擬一屋同居媿士衡十年減產知張季相望行舟一葉飄孤舟倍覺路迢迢轉喉有意淚相噎背觴無言魂自銷寂寞歸眠對蔓花對花獨醉更咨嗟寄語莫言爲客苦縱非爲客亦無家

七月十六

歸眠秋寺鐘露氣撲晴空叢翠安圓月莖朱扞細風翻翻遷樹鳥唧唧傍燈蟲坐想前年夜清江泊釣蓬

喜張公撫至

南山豆可摘之子遠相存痛惜經年別詳謀達夜樽砌蟲參客語園草漏燈痕新句佳堪味深杯許細論

道悶

懷蔭酒仍凍難清醉在懷終年人不來殘燈聽暮雨孤館見新梅裹飯
誰相問陳芻我獨哀奈何兼數事總付掌中杯

于惠生彞中聽妓二首

画苑夜泱泱瓊卮下酒香鴉啼深院月梅影隔簾霜霜霧雙鸞山裙風一
燕翔錦屏圍燭艷笙鼓改華妝
捧咲名花綻宮衣百蝶爭遲來循珮序被喚應香名罷舞腰肢在迴歌眼
尾傾峽雲真可賦宋玉漫多情

北固山後石壁

北固岸巖背滄波洗削成入天翔石勢積鐵障江聲壁影蛟龍動枝風鶴
鵲鳴孫劉千載意未與算潮平

留別白門同病

淩落猶諸子蕭條更此身自知行有恨敢謂至無因是石吾宜別非竿世
莫珍匡衡經易詘孫寶道難伸帙冷囊螢燼門蕪食雀馴秋期松寺杳夜
遂酒燈頻瘡苦擲揄鬼貧甘俯仰人奏廷書未乙丐縑紙徒申洞口投基
局城陰給釣綸叩門惟劇孟斷席共田仁醉泥寒雲外行迷夕水濱自竒

雙履跡誰落一冠塵山黯浮空髻江明凸地銀染村楓色敗薰画袖香陳
旅食嗟何賴鄉醵報已新扁舟東下疾烟霧隔沾巾

過蔡一卿故居

空坐人至鳥飛迴始覺山陽一笛哀心似去年秋病酒臥它僧舍未歸來
題上林賦後

秋風天子阿嬌時蜀客風流入夢思携得遠山圖譜在篇終特與寫長眉

馮衍

馮衍才華世絕倫時清主聖不容身江淹賦裏誰堪恨獨有關門對孺人

偶成十八韻

石顯方含憲匡衡實要樞甘陳功屢抑堪猛眷終誅奏固陰司草阿新浪
結徒禍胎成唯諾國柄博睢盱日月寧無照風雲亦有衢大橫芒已耀小
畜血仍乎巾褐無遺怒旌蒲更滿途一開鈞堂禁復錄矢忠儒喜簿初矜
寵哀郎竟戮諛降婁門莠爛渴蜺井桐枯紅朽群窺指高明魅嘯呼登墻
負子險據地勿喉愚受留一方怨辭權萬指孤真人疑冠玉假鬼詆匏壺
子羽何嫌面維摩好施鬚悲歌終日夜樂酒且須吏門下誰彈缺閨中孰

竊符蔡雍倘相識定爲一長吁

讀從兄南安令崇禎太平曲有感

洗眼乾坤正回頭日月新百年垂半日千載中興辰鳳下輝堪攬河清頌
好陳真逢擊壤樂猶欲叩關申憶昨衣冠旣將舒刀鋸頃風雲資腐質霜
露落葵曆蘭鐫三宮凝桐封五等頻傾儲竊弓玉空旣賜麒麟金虎通嚴
寢城狐列要津龍跡符悉綰鷹隼翅虛振對簿陳公老收貲蕭傳貧忠肝
空赤石義骨莽黃塵獨座生令喜諸生死效顰山河青海並俎豆素王鄰
不媿曹嵩假寧憂王莽真遺弓安簾業堯凡密絲綸光夏傳家吉從商及
弟親三靈呵璽紱九廟集吟呻呼吸皇圖肇張弛祖德遵威弧入手勁衢
酌匠心勾文捷三年效叢收七日神天恩正稠疊霆斷不逡巡豕肆然燈
腹量經衣寶身削膚消積甲按月釐十珍一洗宮庭孽惟餘旃厦寅山龍
繡澤國簡蠹課嚴宸花靜崆峒畫雲遙維水春乙書延偉論甲第佇動
幽佩含彪炳明姿出曖堙望雲同夢寐吟澤破酸辛飯糗家家備黼黻箇
箇醇黃龍神雀降丹甌白環臻斯世皆醞粹吾兄尚隱淪西川豪傑士南
國放流人拔雍威誰匹吟花語絕倫偷金逢怨口酌水別遺民強項違廷

簡冥心愜野蕁聲非五噫激文似九歌馴黼黻皇猷爛丹青帝德純如無
青史采定下紫泥詢樸斲終相倚浮華蚤見甄飄零傷物役衰謝困躬酌
鉏止公畦稜行窮墅瀆瀆扣舷隨汎汎持翳入蓁蓁箭灑時牽鰣竿爰夜
揭鮑龜巢知足雨鳥食卜盈困小賦誇烏柿遐瞻陟白蘋時清角里隱主
聖務光跋壤室琴聲滿繩樞轍跡湮因歌太平曲停酒拭烏巾

燈下無酒戲作

垂簾深草映秋釭上檠秋蟲鼓翼雙欲探蘋花招遠客倍因蕁菜憶澄江
和烟樹色時沾榻帶雨鐘聲夕殷牕畢卓有愁禁獨坐比隣白藥未開釭
立春一日之夜自戲遣悶

潦倒胸懷吾自咲支離身世或加哀豈知蘇子逃禪地可作周王避債臺
社肉難分思拔劍春醪裁溢已空杯夜深吟罷無歸處醉倚疎梅幾點開
臥疾秋郊襟咏

自臥幽林白雁來兩看圓月破蒼苔美人曉隔葭枝露村釀宵寒柳瘦杯
山葉搖搖待黃落溪花冉冉退紅開愁心正似歸栖鳥每到斜陽有一回
輓于中甫比部

秋色招遊絕素書林亭烟靄正蕭疎張衡未老玄謀歇蔡衍纔亡黨巢除
庭露半霑蟲網破隙光斜逗燕巢虛可能盡舉平生好惟有鴉鳴送旄車

京口旅中作

江城月動長潮時烏鵲驚飛乍著枝寒截雁書峰影銳光翻龍穴斗杓垂
慙無風翼資南徙喜有霜整伴右持可愛主人扉板白深宵酩酊爲題詩
西成獲稻數十斛輒分三子一甥二首

九齡文弱騎庭寵三十清狂恃母憐常謂優游堪卒歲不知飢凍逼衰年
孤生馬衍陶潛後譬死男婚女嫁前從此折鐺煨粥外赤髭白足是前緣

廿載千時十載耕一朝都罷若遊僧相如篋底消雲氣元亮鉏頭翳月明
吠畝已教羸稚服鉞疊未免對妻爭家風似此真堪賀只少參軍五十荆
邑人參軍少貲鉅萬以豪華蕩盡晚年不能給其諸子乃各杖而遣之
明日周侍御往賀蔡問何賀曰昨聞尊門析產長君五十餘三十也邑中
傳以爲笑故有次章末句

血病後擬寄段季純

唾血貪杯老應之

張應之歐陽公友也景祐中病中恃爾鎮危疑敢言不廢飲酒而得長年故以戲段

四藏猶堪活恐對三騶不自持照水紫薇霞紫處遶籬黃蝶葉黃時秋光
漸好身將健消滴初開欲共誰

賣牛二十韻

搏煤且捏脂馴健里牛兒蟹栗初收買薪芻自料支冥心忘祿爵親手駕
轅犁骨隱鴈新滿蹄強齒尚差耕鞭一不下秣草百皆宜醫豈煩千頃傭
仍費五皮語喚應牧喚戲腦觸童癡念爾三年力嗟余十稔饑兒甥分瘠
誦僮僕自耘籽朝暮誰收放宮欄合改移近邨聞駿駛即日具錢資書券
駢髦貴始黑也離門紫鼻漸價收仍買劬恩在爲留廩駢知總牧豎
餘工去隣翁乞耜來紫氛休授道白石罷干時僅有田桑典還同鉛槧辭
買僮猶里巷放雀只樊籬飼養應逾好經過會有時銜恩倘相識顧主必
餘悲歸去收書卷長無挂角期

絕句六首

曉聒東鄰餘早秋算敲西寺寄遲眠盈園髻髮今成蒜饒爾清狂更幾年
常思見面人多逝未得開唇事已休半世營途成跛躄十年問舍得蝸牛
花朵正憐多鞦韆蹴踘柳梢偏愛小差池陶潛狹室誇容膝庾信低牕訴

碑肩

門延宿鷺膝蹊細園報高秋栗罇粗無酒少留醒去客有箱多貯借來書
久許來還賒酒債只言去索作碑錢自今有物時相抵已度橋門作釣船
烟帷瑟怨九秋蟲霞錦書濃萬里鴻未得振衣千仞上直須埋照一杯中

秋日與史子裕沽飲東村次回忽至

店依喬樹鄰官路路上人多識醉翁那管脫巾頭共白只憐對酒藥偏紅
樽邊籬落生涼影林外風烟積算空不是此流南巷客深村誰肯遠相從
風寒

林戰飄風霹靂奔推雲擁霧日西昏質衣換得行三返握粟沽來止一尊
呖呖吹窗燈欲滅蓬蓬衝屋瓦頻翻明朝陰雪晴霜冷不是高人也閉門
謁張睢陽廟

並摧逆虜條函區郭李全師公一隅六矢將軍寧計面千金愛妾自捐軀
荒宮雀鼠兵威在遺貌須顛史傳符緘稱公須自笑經生老無意只思架
上試抽書

哭馬甥三絕句

若敖今日魂真餒，殷浩當年愛頗深。如此哀傷豈能久，也知淚灑暫時身。
只恐身由淚結成，一朝漸解了餘生。當年下第都門道，白日荒荒記此情。
汝樞婦墳婦大婦，淒涼一室到人稀。恩深知有遺魂在，閒步庭莎倚落暉。

夜歸卽事

繁星等村門爛熳，如箒把婦人。趁餘光犬吠，盈四野牽蘿發。浩歌篝火高
林下，歲徵在恒。賜腹畝獲枯苴，穀磬杵臼聞斯聲。聞蓋寡三冬苦飢餓，橫
征恣敲打。不聞酒囊枯，增壓裂不捨。幸無巢穴徒中原，已戎馬誰能採芻
蕘。稽首告旃屢。

雪中自咏

破帽遮頭趾印塗，尋梅乞酒一狂夫。那堪授簡供文賦，已自披蓑入画图。
夜牖有書非少日，曉村無跡是吾廬。虛言耳熱能消却，其奈餅壘汁滓枯。

日暮

鴈底東風絮白雲，爛頭細雨草紛紛。五花亂上冰魚隊，一線橫過石鴨群。
群鳥數百爲年譜，只憑工部句生涯。難倚斛斯文可憐，寤曉愁長夜坐滅。
寒爐待一燠。

新春

衰年樂事苦蹉跎，莫到梅花又浪過。霽色園林猶雪霰，晚風池閣已烟波。
鱸非張翰家鄉少，虱是嵇康性分多。隨地一尊堪肆志，更圖身外欲如何。

野店

縱橫柯幹壓茆茨，新霽明陰合綠池。舞燕故來穿甕牖，啼鶯不肯出帷枝。
家貧延客常過此，村近扶衰佇倩誰。正恃東隣賒得熟，杖頭未必有錢携。
將之衡陽阻風京口

繫纜千檣萬索中，蒜山西畔大江東。青松自翠疎寒影，白浪相吞壓疊風。
偶爾因人成浪跡，可堪臨老作漂蓬。旁人盡笑無些事，欲訪天南迴雁峰。
九江道中

離鄉已遠斷鄉愁，風物無邊飲浪遊。異壁網霞常共色，一灣鷗鷺各分洲。
青山雜樹陶潛縣，明月孤城庾亮樓。身寄片帆如過鳥，舟人指點屢回頭。
九江城外二絕句

百花亭畔梅全發，五柳門前草不凋。賈舶分風兩頭去，渡船雙槳一人搖。
水禽踏浪飛還走，澗草銜花臘已春。漸近長沙卑濕地，斜陽萬里起層陰。

廬山

洪波搜石根土盡石傾壓虎豹攀猱躡躑躅踏圓滑雲膩古洞寒雪浸芳洲苗不知灘渚寬妄議波濤狹尚注湘江三猶吞雲夢八羈客纜舟算居人收市贖不辭鄉國遙直感年華匝村雨衆雞鳴汀烟一鴻發

相陰嘆寄次回

衰齡薄俗交相厭累足終朝守車門遠出不過三里路卜居常訪衡家村溪海手剪捎雲秀窓紙親糊貯日溫只擬三冬安偃曝誰教百舍歷崩奔長沙卑濕災殃窟湘岍芳菲涕泪源駭電愁霖憐我老握蘭懷止與誰言烏衣自昔專篇翰南巷由來共酒尊急草移文招隱看不然便欲費招魂

薄暮

獻歲南征棹依依帶夕陽侵春芳草合入夜碧雲長浦月交珠彩山風送酒香湖上幸無遷謫怨作賦不投湘

湘江雜詩二首

落帆偃草住蓬淖上山行湘北千峰雨衡陽半壁晴雲頭埋鄂渚日脚洞南濱異境真堪賞無錢取綠醺

水際朱陵驛山顛
徑道懸連峰綠
嶺外斷雨白鷗前
巖篠垂還起江雲濕
亦鮮可知帆席重
那怪路遷延

衡州旅舍二首

行極天南仍賣文
屠沽閭裏掩重門
夢過青草連山浪
醉哭蒼梧入廟雲
歸計因人終日誤
鄉音隔賊幾時聞
故園荷葉田田盛
可得霜前製翠裙
蘭橈何處等閒開
石鼓旂檀迴雁迴
秋蚤三湘峰瘦出
雨餘百粵漲肥來
過江遠看嬋娟竹
門宇閒挑綉蝕苔
就使殘生歸不得
一茅應傍祝融堆

寄題南岳

映林泉落雨濛濛
收得仙書鳥跡空
冰雪千年稜石雜
虎蛇一窟老僧同
聽雷打上纜山半
看日歸來可夜中
正似清光漾舟客
不須身到最高峰
少陵望岳詩云
清日絕壁出漾舟
清光旁又云牽
迫阻脩途未敢
杖崇岡
蓋亦罕未登者

七夕

悠悠湘竹斷娥皇
算算巫雲待楚襄
淚盡便成千古別
情深堪待一年長
九枝燈焰侵微月
七孔鍼囊解暗香
空擬乘槎問消息
黃河無影到衡陽

衡州不見天河疑黃河遠也

湘江絕句五首

崖石列砢砢江漲所漱出豁如無齒口軒笑不得令
明峰與芳岬進退相摩行兼之白雲天秋色凡三層
同舟白衣人雪色何晃晃忽有飛來者方知是鷺群
日帶東峰影斷續照西岬下有江半陰上有山雜亂
白霧起江面縹山如平垣餘飛未盡處猶作雪漫漫

湘潭

湘邑城板與水連客商南北總停船秋江浪響羣魚柵晴野天昏作炭烟
旅楫迴還行萬里家書斷絕已經年更堪三老私留滯指點帆檣不肯前

算山

過盡千峰萬嶺幽烟蒼霞紫簇深秋每迎客棹江迴口都登漁村樹上頭
缺處輒餘重處補曉看不及算看稠從茲百變陰晴態送到瓜州與潤州

陰風帆

江闊無憂風色橫陰帆亦得達常程画屏峰下流觴過碧玉波中曲尺行

已有烟霞供秀豁更兼天日借晴明眼中便是湘陰郭取得秋醪定九成

算

風急浪聲作日斜山縐多偏帆行不駛輟棹宿如何古廟叢篁徑孤村亂石阿此間宜可住水鳥上低窠

是夕聞雁

蕭蕭落木黑波生燭暗杯空三四聲蘆作綠花枝尚脆菰垂白露米先傾
我來賓至飛迴處唯衡陽颺颺離睇君向人歸厭歷程燕子輕身真自喜不
堪此際有逢迎

落照

落照秋風一面晴白鷗群雜浪花明雲連匡阜常無頂江到潯陽暫有聲
帆席好風歸范蠡烟波新月屬袁宏到家自有清溪釣不羨滄浪唱濯纓

淮安城樓

屈注清流作帶圍高頭三面擁澄暉蛟龍臥處烟光重天水分間岸影微
梁帝人民魚鼈是淮王雞犬井廬非凭欄喚得南飛雁來歲於今伴客歸

述古二首 崇禎初年

聖功既罷相宋主疑其愁以是待大臣立朝皆身謀錢公用感歎拂衣示
無求臣節與君恩貴有餘地留五刑秦丞相一表宋齊丘視景恐不去乃
祈玉燭休

秦法如牛毛鹿馬乃失寔漢弘吞舟網廉耻蠲隱慝御精馬竊銜燭張飛
蛾集人情小開通網紀則大立如何旒纁地燭暗勞日月小臣伺腹心兼
恐成妖孽

出都

淒風驚馬露沾衣作客經年獨自歸月側宮城鴉未散秋高關塞雁初飛
已裝故籍空囊滿欲問迴程是夢非枉說長安足波浪白鷗來去總無機
凍醴

傾家五斗米衝缸三斗水一夜北風霜長稜生榨嘴君勿嫌其薄洗袋副
未已猶足勝沽來推恩到奴婢一笑呵凍視援筆賦凍醴

上巳日園梅始盛則

此日常年桃李開冰澌初發見谿梅也知清好鸞鸞伴要等風流燕子來
待月閒情但孤嫵下風小立每遲迴落英正想孤山道一尺裙腰厚處埋

跛乘跛

長塗騎驢人行步何坎軻豈惟驅不進跼蹐屢欲墮經過顧語之自行何
不可策此且乘危安得足尚裹其人指足言畜疾則如我君知行者蹇不
知蹇者危吾爲笑絕纓請以小駟大齊桓中主才仲父膺衽左劉禪騃孺
子諸葛延王火苟能馭騏驎千里致安坐君跛無奈何奈何跛乘跛

歲盡

綠鱗春水動紅糝早梅開蛇尾悲年去羊皮散曆來肉消寧有血心死更
無灰望斷青盲眼昇平得見迴

次韻曹汝珍雪後見懷

世局斯須見蠟柯未忘同調有羊何文承世業波瀾闊官比閒居感慨多
風竄豈能淹北息霜顛仍欲事南訛虛煩雪夜勤招隱循髮空山月罷蘿

筭生十二韻

何人斬伐到脩篁常憶兵戈一慘傷一壘雀飛君子化九淵蛇蟄哲人藏
風雷馬策生鱗角曉暮鮫珠上穎芒蟬腹俄抽青玉劒虎皮初解綠沉槍
錦翹天分龍兒泡翠尾風吹鳳子翔鳥樂巢深枝接葉鷺啼日靜粉飄香

吟哦已有笙竿荅愛惜曾經尺寸量
颺入聲柔千珮緩月明影立萬夫長
手親拔盡沿根草眼見參過覆頂楊
清闕一窓堪把卷寒侵三伏擬移床
卽今深匿從噴客依舊濃陰覆野塘
物理細推消復長但留根抵耐瘡瘡
春盡效東坡

大風捲雲濤蒸濕尚未除圓月不得出
閃閃西北驅固知積陰久滌蕩非
須臾少康必世後光武百戰餘先澤
雖在人制勝勤廟謨英賢共戮力坐
享乃庸愚念彼蟻虱甲慚此魚鳥軀

遣懷

懷舊意神忡存亡一夢同西山饑伴失
南巷醉人空覓賀船徒返思恢路
不通鴛鴦腸轉外蟬細耳鳴中林莽紛
披翠溪蓮寂寞紅烽烟嵐色斷荆
棘水源窮散標社神里幽篁山鬼官塗
泥兼草莽餒有誰從

雨後

的礫殘陽在樹頭隔村相喚雨鳴鳩
虹橫複道中天斷雨打江湖帶月收
開闌螢燈照涼夜抑揚蟲語鬧先秋
濁醪一酌千愁散露砌風簷自勸酬

從子汝純哀詞有序

汝紹字希高吾世父徵君潛齋先生之孫也廉潔忠鯁不能依回閉門讀書不交一人不問一事布袍疏食行年五十而有嬰兒之色燕京破哭三日目盡腫留都之變時時泣語其老奴欲死奴曰郎君幼希高曰人有一半天吾安能顧渠一日襍被入庄收麥因歛鎖鑰付家人曰有急可沉井中希高平生未嘗一宿于外者也家人疑之又怪其語而不敢問去近庄里所使童子先往待久之不至扶路迎之不得明日得尸于僻路淺水中器自沉也嗚呼使希高不死今日之慘豈忍見之哉爲賦一章使千載而下知吾家有處士而死節者

犀角詩書種先生膝下孫龍雛偏愛或犧畫自傳翻棗栗分恒寡球鏞語不繁家風十畝足素業百城尊冰雪真人好風流薄俗敦脩詞精曲折論史究株根門巷舊池穴衣冠花水源誰知碎珠玉遽見變乾坤天柱凶顛折滄溟劫火燔腥羶裂俎豆樵採犯陵園吾子何能見無人可與論由來一棺土俄逝九霄鵷忠義由天性君親墮地恩彼哉國士報陋矣賈人言處士吾家蠲纍囚楚客原文篋移植返鄧樹繫心存踏海孤英魄登山隻餓魂撫孤齡過隙懷舊涕連痕短什留家譜遺芬定可捫

炎劉

炎劉遺澤自汪洋
拔起階無一旅彊
東洛驟開銅馬帝
西秦先遜寶雞王
雲臺宿拱山河謐
釣瀨星連太紫光
遂閉玉關休遠馭
醴泉野穀養夷瘡

歲盡二首

三年淚灑犬羊天
歲箭渾如劫後看
奉祀豈諳新蜡臘
飾終猶褚漢衣冠
燒殤火傍低星滅
審社鉏隨戍鼓殘
明日屠蘇敢辭醉
青陽不禁朔風寒
失歲何須守頽齡
祇自憐此生幾除
夜卽席是明年力
怯藏山澤心驚變
海田春王有正月
流俗妄相傳

讀文信公集二首

傾厦誰能一木支
科名雖蚤幸權遲
兩山雅構方投老
萬死餘身更出師
龍虎從風奔羽檄
蛟螭挾水逐牙旗
蘆花燕子金陵道
長有啼鵲血翅垂
小儒炎午未知公
留虜依稀測此胸
但有殘生能震動
非關一死要從容
玉琳未沒猶梁厝
有葛雖微繫夏宗
欲捄虬鬚那可得
空徻息鎖蛟龍

金陵三首

三輔江山穴出虎
六朝形勝勢蟠龍
皇基易紹因遷鼎
家痛難忘異舉烽

夜半誰知越州駕平明自失景陽鐘白頭揮目慚無力西望歌淚濕胸
舊客疲驢灩澦澗陰橋山春樹獨行吟翠微寒月熊羆蕭紫吳晴烟松柏深
共看配天修鉅典誰教陸地作平沉興亡百變無如此馬趙備安也笑今
白頭充賦爲長飢也幸東周豐鎬齊漸上忽傳千騎入襄城已逐七臣迷
雨荒晉闕銅駝沒風撼昭陵鉄馬嘶踴躍歸來慚復咲彫闕尾又塗泥

近感絕句

開平飛取舊江山高帝經營必世間若許輕捐便輕得古來創業豈云艱

亂後

二虎貪饕震鼓鼙一門殺掠到旄倪秦屠金策天何醉晉覓花源地已迷
野夢軒窗楊柳暗夕陽村巷鷓鴣啼誰言久旱秋方熟禾黍能將生棘齊

生日自開小斲二首

昔歲曾爲客生辰每憶鄉如今松菊徑已傍虎豺場七十復餘幾耕桑不
可望寂寥弧矢恨方與益棺長

邇暮嗟何及艱危酒誓忘風枝高處折雨葉暗中黃是物關兵氣吾身屬
醉鄉開甌今夜忝明日爲重陽

吾族

此遺民絕筆詩也

吾族在宋代輪翮稱名門頗執仕韓節終元無顯人大明既中天稍稍
綽追茲三百年奕葉被國恩小子最不才暮忝觀國賓追茲祚中絕
傷殘婦魂五人下農祿四葉太平民祈死非吾分偷生媿此身悠悠益
意欲與楚漢論